




第十二  
 具茨集抄  
 陵陽詩鈔  
 雜物集抄

柳田文庫  
 文庫11  
 D 156  
 12



文獻 11  
D. 156  
12

具茨集鈔

昆冲之字叔用。初字用道。舉進士。與陵陽喻汝礪為同門生。少年豪華。自放挾輕肥。游帝京。狎官妓。李師師纏頭以千萬。酒船歌板。賓從雜遝。聲艷一時。紹聖初。黨禍起。羣從多在黨中。被謫逐。遂飄然棲遁于具茨之下。號具茨先生。十餘年後。重過京師。憶舊游。作無題詩二首。為時所傳。時諸公謀欲用之。高挹不顧。至疾革。取平生所著曰。是不足以成吾名。悉焚之。故其詩不多。呂紫微位之江西派中。云。衆人學山谷。叔用獨專學杜詩。衆求生西方。時秀實獨求小兜率。然又云。叔用嘗戲謂我詩非不如子。只子差熟耳。答云。熟便是精妙。處叔用大笑。此亦紫微多上人語耳。若其淵淳雅亮。筆有餘閒。未可

具茨集鈔



010190554142

48-12183

退下一格也。劉後村評其意度者，謂氣力充餘，一洗詩人窮餓酸辛之態。南渡後，惟放翁可以繼之。其見許如此，足為雅鑒。

古樂府

夫星何歷歷，小星爛如石。掖垣崔嵬橫紫微，十二羽林森北極。今夕何夕，月欲沒。虎抱空關，龍厭直。崢嶸北斗著地垂，手去瓠瓜不盈尺。嚴陵醉卧光武傍，浮楂正值天孫織。王良挾策飛上天，傳說空騎箕尾立。君不見茂陵棄子欲登仙，自將壯士終南邊。忽然遭窘出重綬，歸來下詔除民田。阿瞞急示乘輿物，鮮卑仍棄珊瑚鞭。又不見古來堂堂飛華屋，敵國挾輜戎接轡。白龍魚服誤網羅，孔雀金花

牛解

與門行贈秦夷德

君不見夷門客，有侯嬴風。敢捕倚天長劍，著空峒。同聽仰天一笑，萬事空入門。光宮嗚呼，男兒名重太山。好色馬相如，慷慨直辭猶

陸元鈞寄日注茶

我昔不知風雅頌，草木獨與淇園竹同種。又疑禹漏妄測聖人意，遠物勞民亦來枉飛鞚。羊羶異好亦何真禍首，毀論徒勞世仍重。退茶比諷陋哉，徐鉉說茶苦。欲祝九州橘柚當年錯，包貢腐儒安用合桃熟。薦當在盤，荔子生。有蚶菜殊珍，要非奉君家。李疵于新鬪，試誇擊拂。風俗移人可

其笑集少

疾痛老夫病渴手自煎。好悠悠亦從衆，更須小陸分日。  
注：密封細字蠻奴送。檢：塵却憶採擷初。雪花似是雲溪動。  
更期遺我但敲門。玉川無復周公夢。

贈僧法一墨

黃山之巔百尺松，虬枝偃蓋連羣峰。山神守護魑魅避，道  
人剪伐天爲容。捫崖蹀躞弄火遠，絕壁掩靄凝煙濃。玄霜  
霏霏玉杵下，捕麋煮角當嚴冬。陰房風日不可到，律琯吹  
盡灰無蹤。小書細字著名姓，黃金照耀圖雙龍。守臣再拜  
遷進日，九關有詔開重重。老儒偶得實天幸，千金更買無  
由逢。上人澹泊何所好，工書草隸如飛蓬。苦來求我惜不  
得一酬，十載相過從。君不見玉堂詞人紫垣客，拜賜舞  
黃羅封。長安紙價猶未貴，江南江北山皆童。

法一以余所贈墨爲不佳

上人好事世莫當，羅列四寶如文房。廣交往往得奇物，有  
墨尺度如圭長。秋麋折角膠與力，春麝入臍煤生香。已將  
雪覆輕羅帕，更令花映紅紗囊。草堂老人不自料，亦藏一  
餅誇精妙。自言和璧持贈君，反爲燕石遭譏誚。嗚呼萬事  
孰不然，古今工拙那同調。君不見當年諸李數不到，廷寬  
只今賜墨無老潘。

復以承晏墨贈之

我聞江南墨官有諸奚，老超尚不如廷珪。後來承晏復秀  
出，喧然父子名相齊。百年相傳文斷碎，彷彿尚見蛟龍背。  
電光屬天星斗昏，雨痕倒海風雲晦。却憶當年清暑殿，黃  
門侍立才人見。銀鈎洒落桃花牋，牙床磨試江絲研。同時

書畫三萬軸。大徐小篆徐熙竹。御題四絕海內傳。秘府毫  
芒惜如玉。君不見建隆天子開國初。曹公受詔行掃除。王  
侯舊物人今得。更寫西天貝葉書。

東陽山人僻居

我家京洛間。桂玉資薄產。平生丘壑心。水竹不滿眼。清晨  
有客吳中來。山川指授收奇才。笑談長揖波浪下。懷抱遠  
承一作嵩穴開。東陽山人高華隱。豪俠持身復修謹。旁山  
多闢黍稷田。碧溪東流汲春醞。溪南一畝當翠微。秋風蓊  
熟菰葉肥。龜魚上帶藻荇動。鷗鷺下拂芙蓉飛。亭陰野塘  
亦新築。溪山共作窓中綠。諸郎年少皆知書。子夜哦詩勸  
修竹。歲時冠蓋如浮雲。擊鐘鼎食江淮聞。愛山自比謝康  
樂。好士不減春中君。我欲沿溪揚小楫。亭邊共醉藤蘿月。  
叩門夜訪君家時。扁舟重載山陰雪。

同魯山韓丞觀女靈廟前險石

君不見魯陽之西兩山麓。十里連岡寫平陸。青林白晝暗  
古祠。雀啣虛簷蛛網屋。屋邊怪石何瑰奇。虜筋虎骨連肌  
肉。巉巖欲下落澗渚。頽洞千鈞一毫屬。天匠惟知刻畫功。  
鬼力淡憂護持哭。前峰高蹇下如揖。餘峰危慄皆俯伏。披  
尋宿莽得佳趣。窪爲溪壑呀爲谷。香爐佛迹不在外。仙掌  
蛾眉此其足。秀潤潛涵夏木清。空濛映帶春江綠。我知此  
必蘊靈異。何止懷藏易城玉。閭寂嗟來麋鹿游。孤峻幸免  
牛羊觸。自經千載禹刑鑿。不逢萬里秦驅逐。踟躕三遠回  
高岡。却立下視雲蒼蒼。古今誰爲好事者。後有韓子前竒  
章。君不見玉川先生洛陽宅。脩竹蕭蕭獨爲客。宅年如與

鶴乘軒。可來相見銅駝陌。

題魯山溫泉

平生耳熟聞驪山。夢寐不到臨潼關。當年太液金井碧。溫泉宛在關山間。憶昔君來必十月。騎玉花驄帶風雪。太真獨侍沐浴邊。鯨甲龍鱗影清絕。五十年昇平一迷。却驅萬騎出關西。自爲前朝同禍水。翻令後代異廉溪。君不見汝海之南魯山左。亦有此泉名不播。征夫問路說湯頭。可憐是亦陳驚坐。

香山示孔處厚

我來南經幾山過。馬行似衝山色破。風煙席卷崑穴開。澗花縈迴水流左。懸崖彷彿聞松聲。下瞰幽溪鳥飛墮。老夫它年有所歸。定結白茅依紫籬。日高下馬古寺門。魚鼓欣聞脫清餓。道人碧眼照川谷。雲起盤陀藉高坐。殷勤勸我更莫歸。啖鶴啼猿亦相和。窓前笑喚神孔賓。世間安用招魂些。

簡江子之求茶

政和密雲不作團。小夸寸許蒼龍蟠。金花絳囊如截玉。綠面彷彿松溪寒。人問此品那可得。三年間有終未識。老夫於此百不忙。飽食但苦夏日長。北窓無風睡不解。齒頰苦澁息清涼。故人新除協律郎。交游多在白玉堂。揀牙鬪夸皆歛嘗。幸爲傳聲李太府。煩渠折簡買頭綱。

田中行

落葉如流人遷徙。不可收。嚴霜枯百草。清此山下溝。我行將涉之。脫屣笑復休。憮然顧籃輿。崎嶇反經丘。天風吹我

裳彼亦難久留。晚過柳下門。鳥聲上嘒啾。父老四五輩。向我如有求。邀我酌白酒。酒酣語和柔。指云此屋南。頗有良田。囑我耕其中。庶結同社游。吾母性慈儉。此事誠易謀。伯也久吏隱。可以吾無憂。請歸召家室。賣衣買肥牛。所望上帝喜。祈穀常有秋。

送王敦素

樸

先君有六女。所託皆高門。李也久擇壻。晚得與子婚。子家望海內。實惟謫仙孫。筆也有家法。勢作風雷奔。結交多英豪。坐致名譽喧。憶昔識子初。河流出崑崙。中間一再見。騏驎始伏轅。去年接同居。底裏見所存。磊落忠義人。愛國憂黎元。使當元祐時。密勿與討論。上可參廊廟。下可裨諫垣。惜哉不遇知。白髮早已繁。卑官不可說。感激猶主恩。爛熳有歸期。繫舟古槐根。祖餞無酒食。贈遺請以言。子家鐘山下。隨事有田園。竹徑背古寺。草堂面江村。高軒納翠微。修筒引潺湲。林影散疎帙。山色搖酒樽。日飲建康水。時登謝公墩。沈酣左氏學。浩蕩極辭源。客至勿多語。欲吐且復吞。書來無怒怒。慰我別後魂。

紀愁

北風吹我裳。夏潦漂我屋。牛羊踐我稼。雀鼠耗我穀。雪寒墮我指。雨淫疾我腹。朝行桑榆間。秋序傷遠目。莫涉水之涯。舍沙中兩足。攬轡馬病黃。伏軾輿脫轡。陟山旣見虎。還舍乃對鵬。一沐三握髮。十飯九不肉。先生昔離垢。居士今耐辱。飽聞戒畏塗。那知有沈陸。

和四兄雪夜韻

具茨集少

夏蟲不知冰。越犬不識雪。我獨冰雪間。用見冠纓絕。青燈  
挂長檠。文字夜涉獵。問米米已無。問酒酒已竭。當時陶淵  
明。同日無此闕。置書忽不樂。面壁卧嘔噎。蟲大兩不如。悲  
歌聊一發。

和十二兄五首

淵明詩百篇。無一不說酒。四顧宇宙間。獨與此物厚。子雲  
苦家貧。日給或亡有。艱難識奇字。草玄至白首。時時載酒  
來。尚乃好事友。吾兄斯人徒。性亦嗜醇酎。寧知俗士嫌。益  
覺兒女醜。孰云醉無度。婉婉一作婉婉春月柳。區區布肉論。遲  
速同一朽。但看古聖賢。得如飲者不。  
伯也今代豪。嗜詩如嗜酒。賦多轉遒勁。語老愈深厚。塵言  
刪不存。妙句元自有。白華忽補亡。關雎不爲首。墳篋起兄

弟。珠玉到朋友。吟詠九月菊。沉酣八月酎。搜剔發清新。聯  
翩雜奇醜。詳味吁謨章。用意過楊柳。但使身愈窮。未信名  
可朽。不知造物意。令作清廟不。

崎嶇謫仙人。豪放一寓酒。平生韓荊州。未識意已厚。幙府  
強辟召。此例未見有。書幣入吾廬。鞍馬望隴首。出處計已  
熟。不復訊交友。南山別何時。氣尚若酣酎。籌策屈大才。談  
笑誅小醜。成角斷落梅。羌笛起折柳。將軍意未快。戰士骨  
已朽。請公入叅謀。可用和戎不。

先生翰墨英。揮灑每被酒。氣凌蒼柱宮。勢壓坤軸厚。後拔  
今固無。妙絕古未有。驚鸞忽矯翼。犇馬時驤首。高步褚薛  
流。下視鍾王友。好事隨取之。所至具名酎。簡珠秦隸音。篇  
怪夏篆醜。公麼張芝草。嫵媚元和柳。載觀碑籍存。尚恐金



石枴。未。知。太。極。成。有。請。於。公。不。  
我家潦洎間。春水色如酒。嵩少在吾旁。日夕意亦厚。田園  
雖不廣。幽興隨事有。藥畦灌陳根。芋區採駢首。春郊餉耕  
徒。秋社接酒友。飽誦傳家書。促釀供客酌。益知簡易真。未  
媿疎拙醜。邇來居東都。物色不見柳。造次遇摧折。荏苒及  
衰朽。欲歸便可爾。未知公果不。

次韻集津兄會羣從王敦素宿王立之園明日西征

馬上寄示諸人

以道嘗監陝府集津君

秋高訪幽居。風急桑未落。天寒鷄犬靜。地僻門巷濶。主人  
避世賢。自說久棲泊。呼兒出樽罍。梨栗亦不惡。賓客四五  
人。談笑動林薄。夜闌慘無懽。離憂倏中作。伯也天下士。千  
金輕一諾。揮斥楊墨徒。正是鄒魯學。如何但銀魚。生事了

無託。惜哉桃李姿。見笑葵與藿。雞鳴驅車行。令人意參錯。

復至新鄉解寄張穉

驅車出吾廬。落月猶在樹。我行欲何之。所以河源去。去去  
益以遠。炯炯不可論。羣語車鐸間。尚想兒女喧。稍涉原上  
路。漸見柳下村。霧草結宿露。風林散朝暎。悠悠望蘧廬。我  
僕欣載犇。昔出日在畢。今出畢中昏。昔如水上鷗。今如檻  
中猿。所憂負平生。豈但感寒暄。明濟十里黃。漪漪見淇園。  
晚投伯氏解。拓落復何言。周覽故時居。恹見松菊存。故侶  
未易招。且自置肴尊。

書懷寄李相如

秋風吹畦蔬。農事亦已闌。黃黃杞下菊。佳色尸家間。我生  
復何如。憔悴嘗照顏。清晨戴星出。薄暮及日還。骯髒二十

載老髮羞儒冠。天未有佳人。秀擢如芝蘭。懽然念夙昔。風流得餘懽。細想蒲柳姿。與君同歲寒。一別事瓦裂。令人氣如山。

戲李相如攜婦還金鄉

舍人固多奇。奉壁登章臺。君王擊缶罷。將軍負荆來。長卿束髮時。亦復悅名字。一從臨邛游。心迹了不似。茂陵未得仕。要是才足依。高堂援哀琴。月出載婦歸。文君入成都。乃復愧四壁。晚見負弩來。良悔抱頸泣。

效古別昭德羣從

十載一相逢。相見無淡句。一生能幾別。且復無此身。昔別尚可惜。此別重惜之。兩髀跨鞍馬。非復少壯時。它人怪康強。自覺筋力衰。所苦氣如縷。所憂命如絲。死生亦大矣。而乃常別離。人生一月間。得笑無六七。朝爲衆狙喜。莫作枯魚泣。已矣泉下人。優哉冢中骨。

雪效柳子厚

一作贈一兄上人

月落鷄聲寒。曉色靜茅屋。開門驚不知。夜雪壓修竹。搓牙生新冰。鱗甲刻溪谷。晶晶洲渚明。冽冽川原肅。孤蹲雀不動。沉酣客猶宿。呼童晨汲歸。獨漱寒泉玉。

擬一上人懷山之什

中夜雪打窓。燈暗火照屋。袖手地爐火。鏘聲起絲竹。憶我故山房。松風韻崖谷。山空牛斗寒。寺靜魚鼓肅。西寨鹿不歸。東嶺鶴獨宿。更想醉翁亭。兩峰高並玉。

傷心

時籍路公宅

沙路朱轡想馭軒。傷心歲月似星奔。平泉有墅空流水。綠

野無人但繞垣。九老畫圖傳盛事。四朝書史載殊恩。如何  
巧者持饒過。已向比隣問子孫。

送惠純上人游閩

蚤聽閩人說土風。此身嘗欲到閩中。春溝一作水動茶花  
白。夏谷雲生荔子紅。襟帶九江一作接楚天山不斷。梯航百粵  
連一作波越嶺海相通。北窓夜展圖經看。手自題書寄一作索筆題詩送  
遠公。

次四兄以道韻效李義山雪

莫冬一丈長安雪。壯士臨風獨慨慷。門巷豈無騎馬客。江  
湖猶有捕魚郎。夜平蔡賊兵輕敵。曉入梁園賦擅塲。載酒  
欲尋誰與飲。江梅頭白自悲傷。

次二十一兄季此韻

憶在長安最少年。酒酣到處一欣然。獵回漢苑秋高夜。飲  
罷秦臺雪作天。不擬伊優陪殿下。相隨子薦過樓前。如今  
白髮山城裏。宴坐觀空習斷緣。

和江子我竹夫人

黃藤白簟倦呼盧。高卧南窓示楷模。郭芍藥情元最密。鄭  
櫻桃迹近相疎。下帷度日甘同夢。隱几終年得異書。晚向  
禪房陪杖屨。清秋霜霰意何如。

答韓君表

百年鄩杜家相近。人物凋零我獨驚。但見少陵能繼祖。不  
聞小陸可優兄。終朝詩賦道仍鬱。老去文章健更成。敢擬  
濟河輕一戰。隱然望已一作望怯長城。

和葉甥少蘊內翰重開西湖見寄二首

使君重鑿西湖罷也復封詩寄我來洲上新題花鳥處苑  
中舊體相梁臺風煙直覺鍾山近魚鳥渾疑澗水開揮翰  
玉堂還有日行春停騎且留杯

一麾假蹇江湖去五馬侵尋觀闕來就日金波通漢苑望  
雲玉潤斷蘇臺自迎檝立看時渡近開手種花行到處開  
笑語風流韓別駕莫令鸚鵡訴餘杯

和寄葉甥少蘊內翰見招

翰林赫奕今如此莫道人惟舊雨來龐老終身遠州府劉  
郎何面向春臺八兄常言少蘊亦欲見招園宜杏子非時結溪澗梅花  
過日開兩地聲聞無百里相望一覆手中杯

次韻再答少蘊知府甥和四兄以道長句并見寄

錦袍昔是詩成得別墅今非棋賭來山蔚藍光交抱舍水

桃花色合圍臺通人竹塲深深入謝客松扉遠遠開定與

西湖爭勝負只應惟欠使君杯

塵埃自與青雲斷歲月誰令白髮米數口無歸關外客一

春多病望中臺常閑水上鷗從遠只老籠中鶴任開日日

避愁無處脫直須到手不停杯

復和少蘊內翰甥兼謝伯蘊過判兄再贈

西湖波浪還佳色風物悲人老可驚游接竹林公對叔夢

迷春色我息兄酒沾鸚鵡杯行盡與伯蘊兄詩常行鸚鵡杯之戲詩傍

蟾蜍研立成壯息不逢韓吏部高名誰伴謝宣城

復用韻

史奏德星今復聚鄉評月旦昔何為穎川人望須公守荀  
氏家聲付此兄湖影龜魚同聚散寒陰燕雀半生成若為

修襖無絲竹。古調新詩唱渭城。少 不 在 木 蘭 花 詩 奇 絕

次韻集津兄懷嵩少示王立之

早聞三十六峰前。願寄茅茨一澗邊。谷轉馬蹄山繚繞。崑  
開虎口樹嬋娟。陽坡日煖宜瓜地。陰嶺天寒熟芋田。便好  
與公相隱去。不宜相對尚茫然。

睡起

素屏紋簟徹輕紗。睡起水盤自削瓜。風筍微微開綠釋。雨  
槐細細落黃花。經營薄產初無意。補葺疎籬漸有涯。待得  
高秋尋靖老。臨流坐石問丹砂。

贈山人沈廣漢

禪房白几靜無塵。野服黃冠意甚真。避世全生淡得策。閉  
門謝客亦高人。忍情斷酒非關病。隨意收書不計貧。近約

嵩陽陳叔易。越移丹竈過殘春。

都下追感往昔因成二首

少年使酒走京華。縱步曾遊小小家。看舞霓裳羽衣曲。聽  
歌玉樹後庭花。門侵楊柳垂珠箔。窓對櫻桃卷碧紗。坐客  
半驚隨逝水。主人星散落天涯。  
春風踏月過章華。青鳥雙邀阿母家。繫馬柳低當戶葉。迎  
人桃出隔牆花。鬢深釵暖雲侵臉。臂薄衫寒玉映紗。莫作  
一生惆悵事。鄰州不在海西涯。

送僧歸建州

清秋穎汝歸時晚。不及羣公送直休。曲几數行題字別。扁  
舟幾日爲詩留。東吳楊柳雲中渡。南越梅花雪外洲。萬里  
故鄉聊一到。江山風物往來游。

送王敦素

樓

龍蟠山色引衡廬。霜落江清影碧虛。鼓柁厭騎沙苑馬。行廚欲食武昌魚。緩歌玉樹翻新曲。趣入金鑿續舊書。官達故人稀會面。君來相見官如初。

再至徐州示諸弟

去年客徐得范子。今年客徐不得入。斷無草木與同味。宛有魚鳥來相親。南華白門傍山麓。西望黃樓行水濱。還家作詩示羣從。早晚一遊攜二陳。

留別江子之

盡室飄零去上都。試於溱洧卜幽居。不從刺史求彭澤。敢向君王乞鏡湖。平日甚豪今潦到。少年最樂晚崎嶇。故人鼎貴甘相絕。別後君須寄一書。

別昭德弟愴然傷懷

吾廬去汝到何期。四十年間此別離。合抱樹元從舊種。幾叢菊始自新移。老無兄弟飄零日。遠有公卿曠絕時。努力不思勤負米。欲求三徑可從誰。

客有鴛馬不肖借作詩誚之

兒少欲立奇功。貴買西宛玉面驄。金躑躅微鳴躡影錦。連乾不動追風庭。槐洗立清陰下。沙路調行返照中。出郭借人乘豈官。自誇騎入大明宮。

別飾道二十弟

飄零南北一衰門。知是澶淵五世孫。嗟我獨無兄弟在。憐君尚有典刑存。老身素苦貧常瘦。病目仍緣哭轉昏。它日汝歸馳駟馬。訪吾官過浣花村。

自然詩并序

七里先生江子我築土三尺名曰自然亭余謂先生不獨有亭亦有自然箕斗自然絲交凡亭之內服食器用無不自然者先生可謂自足者也雖然無乃多虛少實乎子我掀髯大笑余欣然賦之

先生手不廢經營白屋憑虛結此亭燕麥兔絲侵密坐南箕北斗挂疎檣青松夾日交傾蓋翠栢分風倚列屏莫道君家無長物案頭燈火有流螢

敦素有以書局處之者作詩迎之

君工側席訪詞臣萬里江湖賀子真翰苑向來非此老蓬山何處得斯人朝回金馬門前曉宴罷銅駝陌上春底事年年最如意春風還試綠衣新

寄王立之

臘雨城南宅衝寒憶屢陪拊隣庭下石問訊竹間梅諸子磨門立羣公跋馬回不知多病後誰與倒樽罍

避暑普淨院

天矯栢如龍清陰闕一宮庭無御史雨門有大王風今日名天下羣公坐此中阿戎相就語歷歷見元豐

僧舍小山

此老絕蕭洒久參曹洞禪曾中有丘壑左手取山川樹小風聲細巖深日影圓江湖不歸客相對一茫然  
愛此聚沙戲知自法王孫一運斤手都無禹鑿痕藤梢未挂壁荷葉欲生盆笑問山陰道潛通何處村  
爛石有佳色禪房疊更幽九疑峰不斷十字水長流枕簟

日逃暑軒窓時卧遊吾衰更何往只此對湯休

寄江子之

平生江季子疎嬾近忘吾不啻三年別如何一字無燒丹  
岫嶼令釀酒步兵厨二者將安擇功名莫浪圖

初來東里

乘流從此去河漢失清都送騎沙邊散征帆雨外孤挾雌  
棲隴雉生子哺巢鳥宇宙將焉往飄飄盡畏途

至東里次前韻

茂陵家四壁不必在成都老矣招魂苦傷哉問影孤市中  
寧有虎屋上豈無鳥四海皆行路吾何必此途

和四兄

以道間居感歎有作

掩卷忽不樂捫心空浩歎家聲畏淪墜世態屬艱難月倒

迎門屣風擘挂壁冠蕭然對孤竹一笑共衰殘

復次韻

出門吾所嬾無客亦何歎舉世遽如許孤風良獨難荒蕪  
蔣詡徑破傲晏嬰冠興發看山去書籤記讀殘

再至都城

崢嶸花萼西清曉望猶迷御路紅塵合宮槐碧瓦齊夾城  
知輦過復道覺香低中使傳宣入千門避馬蹄

送僧

無端伏枕日不見放舟時晚得平安報初成送別詩山深  
歸履急江濶度杯遲定許同香火終叅惠遠師

秋雨感事

苦雨荒秋宅寒生木葉悲半垂藤護壁中缺蔓穿籬書校



時開帙。壺提日繫絲。儒冠吾已悞。何責五男兒。

問訊次九日韻

問訊西南戍。提封莫遠開。休傳通蜀道。端可棄輪臺。擬上平戎策。慙無屬國才。何須千里馬。遠自渥洼來。

夏室

夏室不禦暑。竹陰新未交。幽花時結子。晚燕續開巢。夢還高枕。晨炊出近庖。此生吾自了。客至莫相嘲。

次韻江子我見寄

敢恨新居僻。深懷故國尊。耕耘得遺物。版築尚頽垣。溪隔城南寺。崖通市北門。宅時如訪我。但認語音存。

過陳無已墓

以我懷公意。知公待我情。五年三過客。九歲一門生。近訪

遺文錄。重經故里行。寄書無鄭尹。誰爲葬彭城。

行武涉田中

慣習兒童喜。從容父老權。桔槔看俯仰。稼穡愧艱難。荷葉生池岸。蒲萄落井幹。求田如得此。當爲駐征鞍。

重過鴻儀寺

秋色遽如許。寒花奈若何。客行傷老大。野次記經過。廢圃猶殘菊。枯池但折荷。吾生與物態。天意豈蹉跎。

別節道二十弟

賁之

少傅三朝老。文章壯九州。賦詩資政殿。賜字太清樓。拔燭辭軒陛。簪花近冕旒。慶門吾老矣。華國汝能不。

別息道二十二弟

兌之

中令有清德。風流二百年。舉家惟食粥。絕口不言錢。里閭

容吾老。庭闈賴汝賢。陶丘過范蠡。莫泛五湖船。

和虞道二十三弟 像之

向別已復久。此懷誰與明。書來慰吾意。詩重識君情。放鶴  
惜未到。飛鴻今尚橫。何由一隨汝。端為薄浮名。

決道念八弟得小金印以詩贈之 夫之

季也獲金印。籀文奈不如。情知非鬼篆。恨不識天書。池靜  
龜游罷。庭閑鵲鬪餘。春風還舊物。疎俊獨憐渠。

贈江子我子之

江郎淮海秀。經術古同師。溫潤無前輩。清新有近詩。一丘  
須早計。五斗莫堅辭。獻賦修竿牘。知君定不爲。

謝富察見過

飯蔬君莫厭。瓜菓我時須。自可隨豐儉。誰能問有無。墮降

衝博局。驚燕避投壺。不憚過從遠。頻來訪老夫。

戲留次哀三十三弟 頌之

白下春泥尚未乾。汴流更待小潺湲。不知汝定成行不。寒  
食今無數日閒。

春日

男兒更老氣如虹。短鬢何嫌似斷蓬。欲問桃花借顏色。未  
甘着笑向春風。

陰陰溪曲綠交加。小雨翻萍上淺沙。鶉鴨不知春去盡。爭  
隨流水趁桃花。 一本作春色不暇流水送雙浮鴨鳴

以少炭寄江子之

金籍曾通玉虛殿。仙曹擬拜翠微郎。莫嫌薄上溫磨火。蒸  
得濃薰篤耨香。 溫磨火事見李義山詩

戲成

長夏軒窗倚碧岑。人間塵土莫相侵。榴花不得春風力。顏色何如桃杏深。

和二十二弟

靜處偷看肘後書。幽棲古有此人無。綠蓑青笠非吾事。白浪狂風滿太湖。襟抱恢疎老更寬。笑談終夕盡君歡。主人更有桃花面。病眼其如隔霧看。

秋夜情

獨眠百感秋夜情。孤城急雨中聞更。明朝覽鏡視鬢髮。不知白從何處生。

題超化寺壁

曲池風定碧瀾平。小白魚如鏡裏行。水竹再來應識我。壁間不用更題名。

送人遊江南

湧金門外斷紅塵。衣錦城邊着白蘋。不到西湖看山色。定應未可作詩人。

過王立之故居

酴醾架倒花仍發。一作花 無主 薜荔牆摧石亦移。一作客 有誰 此地與君凡幾醉。年年同賦蠟梅詩。

夜行

老去功名意轉疎。獨騎瘦馬取長途。孤村到曉猶燈火。知有人家夜讀書。

春晚圃田道中

度柳穿橋聽午雞。一溝春水國門西。行人不用傷新別。看取塵間萬馬蹄。

酒酣馳馬笑彎弓。便擬長驅向中。但恐老儒無骨相。不湛劍履畫南宮。

君王重老降褒書。特賜宣陽宅一區。聞說會稽人不識。鑑湖還肯借臣無。

和王立之臘梅

茅簷竹塢雨幽奇。岸草尋花醉亦知。崖蜜已成蜂去盡。夜寒惟有露房垂。

老去攀筇興益奇。招攜風月作新知。但令春釀常如此。百罰淡盃倒垂。

贈端本子我

鵝兔鷄豚今日債。斷除妻子宿生緣。豐登便是人天供。努力東臯自種田。

過陳無已墓

鎖門脫落封將盡。題壁污漫字不分。我亦嘗參諸弟子。往來徒步拜公墳。

立春

巧勝金花真樂事。堆盤細菜亦宜人。自慚白髮嘲吾老。不上譙門看打春。

與秦少章題漢江遠帆

楚山全控蜀。漢水半吞吳。老眼知佳處。曾看入境圖。江山起暮色。草木斂餘昏。誰感離騷賦。丹青弔屈原。雲埋鳳林寺。浪打鹿門山。今日江風惡。郎船勸不還。

江濶雁不到。山深猿自迷。傳聞杜陵老。只在灤東西。  
石似浣沙石。江如濯錦江。征帆向何處。雲霧晦蓬窓。

龍興道中

澗道垂黃花。山城擁紅葉。人爭小舟渡。馬就平沙涉。

謝任伯久無書。常子然寄茶謝之。因簡任伯。

諫議茶猶送。郎官迹已疎。斜封三道印。不奉一行書。

陵陽詩鈔

共六

韓駒字子蒼。蜀仙井監人。曾在許下。從蘇轍學。稱其詩似儲光義。遂名於時。政和以獻頌。補假將仕郎。召試賜進士。除秘書正字。尋坐蘇氏黨。謫知分寧。召爲著作郎。奏舊祠祭樂章。辭多牴牾。因更撰定。五十餘章。遷中書舍人。兼修國史。權直學士院。復坐鄉黨曲學。提舉江州太平觀。卒於撫州。詩有磨淬剪截之功。不吝改竄。有寄人數年。復追取更定一二字者。故其集不多。而密粟以幽意味老淡。直欲別作一家。紫微引之入江西派。駒不樂也。

利濟橋亭詩

朝奉郎張公得其先父遺碑以附家集。從諸公索詩。予

爲作此

大夫官業世所驚。老覺軒冕非真榮。斯文自屬吾黨事。正恐無路逃虛名。生猶不見皇甫謐。死豈肯投劉禹錫。茂陵一幅入漢宮。世間共怪無遺帙。哀哉若人用意深。自言身作鶴鳴陰。著書遺子三萬軸。人初笑我籬無金。萬仞磨崖利好語。那知百年蒼蘚汗。爾來夜夜虹貫天。山下居民未知處。周詩不列石鼓歌。後世恐嘆遺義娥。于今購市完家集。野老何知亦摩挲。川流可平石可腐。只此殺青垂萬古。五百驪珠固已奇。挿架不知猶幾許。公今未暇歸田廬。且

人聞未見書

言人聞未見書

善章面欺羣醜鶴。冲居士術如神。東走梁宋西峨眉。諸公

踏蹬未過日。座中知是非常人。只今白髮無餘產。短褐逡巡列侯館。世人胸中無黑白。不如居士明雙眼。嗟予塵貌天所付。不須強覓封侯處。書生只倚一片心。宅日相逢記裴度。一作說

送葛亞卿欲行不一過僕

吾廬偏仄門三尺。慚愧春風巧相覓。叩關惟許葛王孫。有時籍草傾餘瀝。汝不如南池主人車載客。紅旗皂蓋行遠陌。又不如東郭公子柳藏門。青娥綠髮坐開樽。是身牢落終何爲。人不汝嫌汝自嗤。伸眉一笑能幾時。忽聞春盡王孫歸。春風欲盡猶有情。飄英墮絮俱傷神。王孫未歸迹已掃。秣馬膏車何太早。明日一杯愁送春。後日一杯愁送君。

君應萬里隨春去。若到桃源記歸路。

陽羨葛亞卿爲海陵尉作葺春軒余爲賦之

昔聞先生隱吳儂。當窗十里橫烟峰。今見先生爲楚吏。繞  
墻四面縈烟水。從來楚俗帶吳風。曲折徑路深房櫺。舍前  
繫船柳千丈。舍後叅天竹萬叢。千籤插架似蓬館。白拂挂  
壁如僧宮。掃地焚香欣客至。羹魚飯稻愁樽空。不瀾不清  
惟寂寞。大笑先生致身錯。青山猶作布衣心。朱門却有田  
居樂。筆回造化天工怒。胸包今古時人愕。甘窮自許元次  
山。蹈海還尋魯仲連。吾曹一歡豈易得。世間百歲俱可憐。  
何用北窗翻巧策。且向東亭弄春色。我當酌酒壽主人。灘  
前飛下雙鷗鷺。

謝錢珣仲惠高麗墨

玉卿贈我三韓紙。白若截肪光照几。錢侯繼贈朝鮮墨。黑  
如點漆光浮水。舊傳績溪多老松。奚超旣死松亦空。易水  
良工近名世。珍才始不歸潘翁。蕭然南堂一居士。赤管隃  
麋無月賜。借問玄圭何自來。去年海中持節使。明寫晏坐  
不怒怒。引紙磨墨寒生風。自笑平生縮蛇蚓。更慙爾雅注  
魚蟲。殷勤二物從來遠。裨海環瀛眼中見。若欲揮寫藏名  
山。不如却作談天衍。

送松陵老農

呼舟越洪濤。笑識江南山。此行爲子來。政擬一笑歡相逢。  
不忍別。丘壑同躋攀。如何舍我去。使我心悄悄。子實名家  
後。翰墨素所便。老農雖自謂。念子安知田。世故亦已足。憂  
擾徒自憐。天寒歲且盡。趣駕扁舟還。

淮上書事

平楚盡積水。長淮多奇峰。蕭條月曜夜。浩蕩風鳴冬。客行未可歸。弊裘那得重。寒氣搜病骨。清潭覩衰容。遠遊有歸念。將老無權棕。故國渺萬里。去此嗟誰從。

至國門聞蘇文饒將出都戲贈長句兼簡其兄世美。去年夷門十月雪。九衢日昃行人絕。騎驢兀兀無所之。破袖迎風手龜裂。渡橋並塹得君家。入門脫帽猶凜冽。急燃濕束爇我寒。徐出清醕寧我渴。君家自無儋石儲。蟹黃熊白能俱設。平生見酒脣不濡。是夕連觥耳方熱。羣奴夜僵喚不聞。我亦軒鼻眠東閣。明朝起過城南翁。尚記新聲一笑發。東歸每嘆懷抱真。西來又喜顏色接。方將慷慨豁心胸。未用崢嶸驚歲月。城南詩翁况遠來。門前雪泥又活活。

豈知萬事不可期。却樹吳橋背城闕。人生動若參與商。咫尺無論限秦粵。君聞吾語雖少聞。但恐一歡成電掣。念昔相見無它娛。誦詩徵事相誇捷。氣凌俗子旁。若無偶坐時。聞竊需囁于今落落誰汝憐。老屋陳編自怡悅。寄言詩翁。倘出滯。歲晚勤迂故人轍。

題中寂堂

虎卧文公廬。鳥窠道林室。本自無俗喧。何由辨真寂。逃溺必登山。避燔必趨澤。君看好靜人。萬慮固未息。是心倘已剝。對鏡起亦得。上人早聞道。晚順世間迹。振衣下靈岩。飛錫來上國。高堂亦何有。萬卷繞四壁。客來倚風廊。晤語終日夕。莫言門如市。中有忘機客。吾曹詩酒汗。此道誰君鑿。唯應寂時趣。獨有青士識。



送子飛弟歸荆南

往在東堂時。唯汝年尚少。木槍鬪羣兒。竹弓射飛鳥。今來跨鞍馬。昂然丈夫表。入門恍莫識。與語意方了。脫汝來時裝。夜闌酌清醪。當歌喜未定。感舊色已悵。念我三年官。自裹衣中麩。東去盡勾吳。北行薄全趙。汝亦上岷峨。大江窮浩渺。一年兩附書。皮筒到家少。那知此相遇。鸛鵲果前兆。我性本齊緩。汝資誠楚慆。相逢各相規。一月語連曉。憶汝初結髮。讀書先尉績。謂須壯執殳。單于壘時披。豈期尚羈旅。但存雙目睛。我恨緣詩窮。賃屋隘而湫。尚盈三尺牀。使汝眠與寤。二升糴祿粟。醜婢羹茶蓼。時時得鷄兔。傍竈親煖燖。總爲十日歡。鄰里厭煩擾。朝來着戎服。數匝郡條。我出門去。歸袖風矯矯。還家對寒食。滯宮聞雉鳴。想見之。緩我歸思。亦汝歸與俱來。繁臺及秋杪。

贈趙伯魚

昔君叩門如啄木。浚衣青純帽方屋。謂是諸生延入門。坐定徐言出公族。爾曹氣味那有此。要是胸中期不俗。荆州早識高與黃。誦二子句聲琅琅。後生好學果可畏。僕常倦談殊未詳。學詩當如初學禪。未悟且徧參諸方。一朝悟罷正法眼。信手拈出皆成章。

答蔡伯世食筍

尊絲化鹽豉。槐葉資新麪。豈知苦竹萌。風味常獨擅。昔我居錦城。屢喫田家飯。扶杖自入簞。煨此犢角蠶。後叅鶴林禪。餽我桑門饌。烝烝佛鼎中。亂下白玉片。惟無它物乘。始

覺真味現。三年客東都。錦籜寧復見。千金洛陽來。惟充大  
官膳。前時過君食。欣逢故人面。那知列仙臞。已雜蒯通雋。  
吾寧飽甘肥。憤叱那忍嚙。請歸謂主孟。厨人後當諫。苦苣  
雜嘉蔬。沉香和甲剪。柯亭既誤椽。畫障或遭練。古來可歎  
事。千載寄明辨。作詩弔籙龍。助子當食歎。

食煮菜簡呂居仁

曉謁呂公子。解帶浮屠宮。留我具朝食。喚奴求晚菘。洗著  
點鹽豉。鳴刀芼薑葱。俄頃香馥坐。雨聲傳鼎中。方觀翠浪  
涌。忽變黃雲濃。爭貪歛鉢暖。不覺定盃空。憶登金山頂。僧  
飯與此同。還家不能學。空費烹調功。硬恐動牙頰。冷愁傷  
肺腑。君獨得其妙。堪持餉衰翁。異時聞豪氣。愛客行庖豐。  
殷勤故煮菜。知我林下風。人生各有道。昔蓄用禦冬。今我  
無所營。枵腹何由充。豈惟臺無餽。菜把尚不蒙。念當勤致  
此。亦足慰途窮。

送倪巨濟將仕

汴流六月翻黃沙。小舟兀浪如乘槎。赤日下照烘朝霞。腹  
鳴肩舉氣喘呀。夜眠僕夫股相加。拖樓晨飯羹黃茄。時時  
矯首望土岸。木末殷轉江洲車。渴逢石泉不得汲。椎鼓催  
發無停櫂。問君何為趣還家。答云五載居京華。夜窗讀書  
眼生花。每食不飽潛咨嗟。母髮半白弟髻丫。有妹久閉躬  
絲麻。寄書細字如昏鴉。問胡眷戀歸期賒。來時書笈手自  
拿。今歸上堂兩脚靴。壽觴要及開霜瓜。子志如此良可嘉。  
勸子博學如橫置。麋麟兔鹿盡所遮。或典而法浮而葩。要  
歸于正謹去邪。行如種植慎萌芽。念當務實勿求誇。我行

賈犢耕三巴。竹子佳譽來天涯。

出宰分寧別舊同舍五首

公車八千言。自獻十二旒。落筆中書罷。石渠並英游。方欣洛陽遇。已慨周南留。明堂。梗柶詎須汝。薪樵三年望。龍斷艱難身。百憂髣髴五分白。更落天南陬。

念我行老矣。才拙世所捐。青綾未頻直。黃袖且安眠。飽聞縣西寺。修椽壓山顛。中容五百衆。上堂鼓闐闐。王程倘餘暇。茲焉著幽禪。自擷雙井茶。與僧酌雲泉。

昔慚雲閣姿。斥守蒲城市。五占天鷄星。未救逐臣淚。歸聞長樂鐘。疲馬思一試。孳孳今又東。敝邑臨無地。人生縛微官。大似侏儒戲。升沉各幾時。怨欣兩當置。

益昌刻移文。道州拙催科。我愚象二子。將奈分寧何。吾君

放勛姿。于今萬邦和。縣令但拱手。排衙鼓鳴鼙。故人。船勸勿凌江波。君其謝故人。我亦聊絃歌。

陽山昔御史。夷陵前校書。坐法竄未久。遇赦罪已除。故時同舍郎。半直承明廬。獨奔江西縣。道里三千餘。皇。倘復哀臣愚。念當脫江瘴。與子聯朝裾。

入鳴水洞循源至山上

崇山蓄靈泉。萬古去不息。瀦爲百斛濺。散入千渠溢。其東匯民田。又北尋山腋。斷崖如破瓜。飛瀑中蕩激。大聲或雷霆。細者亦竽瑟。未流垂半山。十里見沸白。得非拖天神。常恐浮地脈。呂梁丈人老。尚與泪偕出。我欲蹋驚湍。下窮巖。齧石惜哉意。徒然屬此歲。凜凜安得汝。南周斷取白蛟春。歸之龍泉峰。山門夜喧席。

分寧大竹取爲酒罇短脰寬大腹可容二升而漆其  
外戲爲短歌

此君少日青而臞爾來黑肥如瓠壺縮肩短帽壓兩耳無  
乃戲學騶侏儒人言腹大中何有不獨容君更容酒未須  
常要託後車滑稽且作先生友少陵匏罇安在哉次山石  
臼空飛埃茆簷對客夜驚笑麴生叩門何自來老向人間  
不稱意但覺淵明酒多味乞取田家老瓦盆伴我年年竹  
根醉

湖南有大竹世號貓頭取以作枕仍爲賦詩

湖南人家養狸奴夜出相乳肥其膚買魚穿柳不蒙眇深  
蹲地底老欲枯誰將作枕置榻上擁腫似慣眠甌甌慵便  
玉枕分已無孫生洗耳非良圖茅齋紙帳施團蒲與我同  
歸夜相娛更長月黑試拊臥鼠日尚爾驚睚眦坐令先生  
春睡美夢魂直饒赤沙湖更煩黃妳好看取走入菊舍無  
人呼

題湖南清絕圖

故人來從天柱峰手提石廩與祝融兩山坡陀幾百里安  
得置之行李中下有瀟湘水清瀉平沙側岸搖丹楓魚舟  
已入浦澈宿客帆日暮猶爭風我方騎馬大梁下怪此物  
象不與常時同故人謂我乃綉素粉精墨妙煩良工都將  
湖南萬古愁與我頃刻開心胸詩成畫往默惆悵老眼復  
厭京塵紅

送趙承之秘監出守南陽

繁臺十月寒颼颼置酒共祖南陽侯九士一客相獻酬皆

言南陽山水幽。菊泉釀酒不論石。上酥醍醐出肥牛。使君樓前橋袖古。丞相堂下蒲蓮稠。夜燃蠟炬賓醉舞。春風歌眠百花洲。各持一觴勸公飲。此行樂矣公何求。我獨倚杖商聲謳。此公人間第一流。方今羣賢從法駕。金絨塞路嘶驂驪。獨令此公守一州。臨分慷慨淚莫收。南陽南陽樂復樂。歸來歸來無久留。

次韻館中諸公遊慈雲寺

嘉蔬隨客庖。香飯出僧甌。聊爲一飽謀。未暇談禪病。二公當代豪。詞林氣方盛。五言謹詩律。百罰嚴酒令。樂與同舍郎。共此給園淨。想像斜川遊。何如舞雩詠。甘瓜自雍丘。芡來新鄭看。果各有樵。笑我室懸罄。陋質謝不往。實愧瑤曠。人生一車足。那須富千乘。有興驅短轅。寧辭沮

及時速行樂。莫待苦脚脛。炎暑忽已闌。當念時難更。

飲酒次人韻

淺瀨見魚遊。澄潭知鶴沒。疑乘青霞珮。徑墮白銀闕。平生探學海。中年悟禪悅。應須臨渺瀰。庶以稱超越。回塘大圓鏡。新蒲細於髮。綠扇互低昂。玉顏爭秀發。良辰宴觴豆。炎曦脫中襪。荷聲過急雨。竹影敷涼月。緩行躡芳草。移坐蔭溪樾。何當酒拍浮。恣聽舟搖兀。而我方抱鉛。上馬自腰笏。叩門不聞呼。造席無乃咄。詎敢陵嵒岼。幸許窺劑劑。願公開迷雲。令我入理窟。雄篇出月脇。妙息露天骨。蹇步那由追。簪井媿先竭。

題采菊圖

徒在京口爲曾公。卷題采菊圖。九日東籬采落英。白衣

遙見眼能明。向今自有杯中物。一段風流可得成。蔡天啓屢哦此詩。以爲善。然余嘗謂古人寄懷於物。而無所好。然後爲達。况淵明之真。其於黃花直寓意耳。至言飲酒適意。亦非淵明極致。向使無酒。但悠然見南山。其樂多矣。遇酒輒醉。醉醒之後。豈知有江州太守哉。當以此論淵明。復作二首。

黃菊有何好。且寄平生懷。遇酒興不淺。無酒意亦佳。此理誰復明。自昔寡所諧。空餘采菊圖。寂寞懸高齋。今日菊始華。叢雁鳴相和。若無一觴酒。如此重九何。悠然數酌盡。會心豈在多。醒來不復記。散髮東山阿。

去冬除守歷陽。未上召還。西掖。今夏自應天尹。移知齊安。道由歷陽。珪老相訪。奉簡一首。

嘗聞歷陽郡。寺有褒禪山。及我分竹符。欲往窮躋攀。驅車發半道。尺一喚我還。歎息岩下水。何時照衰顏。復持齊安節。稅駕臨通關。屬有行役累。無由叩僧關。珪公岷峨秀。逸韻超人寰。攜詩達過我。懇勤請加刪。少年意氣盛。笑我毛髮斑。夜語不知寢。起看江月灣。浮生浪擾擾。萬法本自閑。爲吏何足論。誓將老榛菅。買田未及議。我實貧非慳。奉乞一菴地。往來泉石間。

武寧道中

小灘嘈嘈大灘惡。朝行羊腸暮鹿角。盡日拖舟不得前。忽然直斷千尋落。上梁左側石子多。兩船與石鳴相摩。卧聽溪師倚篙哭。將如四十二灘何。羊腸鹿角上梁皆灘名。

次韻曾通判登擬峴臺

朝攜筇杖來。暝倚胡床坐。循墻讀遺碑。歲久苔蘚澗。烈風無時休。於茲驗真箇。曾郎吐佳句。勢突黃初過。交遊得詩流。吾儕可相賀。念昔逢大梁。一別九鑽火。再見疑前身。居然客愁破。世久無若人。子豈伯休那。曾時丁憂千山厭露宿。一壑期雲卧。子少方鵬騫。吾衰作鳶墮。篇成不敢出。畏子詩眼大。唯當事淡禪。諸方叅作麼。文章真綺語。季緒徒瑣瑣。安得京口歸。秋江細扶柁。

題蕃騎圖

塞上一作沙揚漠漠黃雲秋。黃鬚胡兒騎紫驪。一作馬攏前弄風走兒掣轡空。驤首廻鞭慎莫向南馳。漢家將軍方打圍。奪弓射汝猶可脫。奪汝善馬何由歸。

題韓冕畫瀛洲學士圖

咸陽中天開帝居。羣公下直承明廬。長鞦短轡褒衣裾。蒼頭廬兒爭走趨。韓侯畫此時無虞。瀛洲仙人樂有餘。我生不及正觀初。忽思十年身校書。吟詩天街騎蹇驢。爾來戎馬方馳驅。眼厭繡掘蒙諸子。把卷未展先歎歎。

順老寄菜花乾戲作長句

道人禪餘自鉏菜。小摘黃花日中曬。峨眉楸脯久不來。麴糵薑絲典刑在。封題寄我紙作囊。中有巴蜀齋厨香。起炊曉甑八月白。配此春盤一掬黃。揆軟木耳八月白稻名也

李氏娛書齋

欲樂誑凡夫。須臾皆變壞。唯書有真樂。意味久猶在。李君名家流。事業窺前輩。澹然無他娛。開卷與心會。憶吾童稚時。書亦甚所愛。傳抄春復秋。諷誦晝連晦。飲食忘辛鹹。汗

垢失盟類爾來歡喜處乃在文字外卷藏二萬籤斐几靜  
相對此樂君未知狂言勿吾怪

送王秘閣二首

烏衣諸王吾早聞晚塗獨識和州孫風流踏拖欲垂盡文  
采陸離今尚存奉祠乃是衰翁事如君胡爲亦爲此僕夫  
在門君疾驅往獻天子平邊書  
右軍池頭鷓鴣呼康樂臺下移檉疎碧山學士此築室白  
髮散人來卜居身隨沙鷗附烟雨十年無書上公府枉作  
西班牙老從臣看君才華不能舉

送里人陳會往見江西漕使

勸君少留持一觴與君鄉里皆陵陽兒童共戲苦鹽岸老  
大相逢烏石岡拾遺平空丈人行拊我謂我能文章豈知

今無一絲長但餘顛華面顏蒼君行往見玉節郎感時  
國歌慷慨餉師十萬西平羌笑我挾複山中藏

夜與疎山清公對語因設果供戲成長句

落葉屑窸鳴風廊四無人聲夜未央道人過我談真常客  
舍有底相迎將竹鑪篝火曲木牀烏柏爲燭楓脂香青梨  
纍纍釘坐光黃甘十子近著霜醯梅蜜杏經年藏紅糝綴  
枝加柘漿尊藕諸芋蘘荷薑堆盤滿案次第嘗憶初見翁  
修水旁轉頭八十鬚眉蒼爾時尊宿略喪亡吃如樅櫓老  
不僵而我昔漫參朝行十年投閑坐老狂人生一夢炊黃  
梁諸法本閒人自忙况今世故甚擾攘與翁幸憇菩提坊  
夜闌一酌餘甘湯它年此樂不可忘

上秦州使君陳瑩中



當年賢路雜薰蕕。歎息諸公善自謀。今日在前皆鼎鑊。後來知我獨春秋。海邊已擊師。襄磬湖上新逢范蠡舟。惟有書生更無事。不妨挾冊更西游。

聞富鄭公少時隨侍至此讀書景德寺後人爲作祠

堂因跋余舊詩後以自嘲

藤床瓦枕快清風。破悶文書亦漫供。鄉信未傳霜後雁。懷生怯晚來鐘。淹留已辦三年計。流落應無萬戶封。猶有壁間詩句在。他時誰肯寫塵容。

海氣昏昏又嘯風。一杯扶病要時俱。三年閉戶兒童怪。千古閉情我輩鐘。若得黃甘應手種。更求青李莫函封。疎頑自笑將安適。寄謝江山好見容。

次韻別南公

天遣吾曹與世疎。那將窮技學黔驢。只今年少身多病。是處愁深淚濺裾。此去不須論塞馬。向來猶有葬江魚。虛名只用驚兒輩。要作生涯莫著書。

九絕爲亞卿作

離歌三疊最關情。不省從來此地聞。早是春殘心事惡。落花陰裏更辭君。

君去東山踏亂雲。後車何不載紅裙。羅衣浥盡傷春淚。只有無言持送君。

更欲樽前抵死留。爲君徐唱木蘭舟。臨行翻恨君恩雜。十

二金釵淚總流。世上無情似有情。俱將苦淚點離樽。人心真處君須會。認取儂家暗斷魂。

君住江濱起畫樓。妾居海角送潮頭。潮中有妾相思淚。流到樓前更不流。

憶泥郎舟共採蓮。今來揮淚送郎船。回書倘寄新翻曲。湖上何人為扣舷。

一夢巫陽樂已窮。三年猶復怨匆匆。倏雲驟雨成何事。未必三年抵夢中。

妾願為雲逐畫檣。君言十日看歸航。恐君回首高城隔。直倚江樓過夕陽。

初合雙鬢說後期。相盟不在已相知。來時休落春風後。却漫嘲儂子滿枝。

送俞仲寬赴宿倅

年少場中晚節寒。去年渾手下天關。何人肯蹋風波路。自

古難言骨肉間。十里即應歸漢關。一帆從此別淮山。艤舟如得僧伽印。未用將身付等閒。

五月八日游北禪師川登塔盡七級僕能三級而已

晚過公晦偶作二首

徐郎胸次已冰清。北寺清游更絕塵。不欲茹葷緣道友。肯來出郭是詩人。憐君遠客情能爾。看我題名墨尚新。誰有好方扶脚力。故鄉歸去蹋峨岷。

鐵鑲銅鑲一一開。肩輿不問主人來。已登白塔吾休矣。更上紅亭子壯哉。世外清歡須邂逅。城頭落日共徘徊。雲樓五月滄洲趣。羞殺初無八斗才。

曾大父有詩云。三春拂榻花黏袖。午夜淘丹月在池。舍弟子飛歸蜀。與語及此。因取為韻。

去蜀初遊楚。吾方十二三。無成今長大。送汝不勝慙。  
還家倘無事。莫負故園春。衣錦兒嬉爾。從來笑買臣。  
艤舟不能前。已復日西沒。贈子以幽蘭。秋風正披拂。  
野宿月團圓。風餐氣蕭颯。從來對牀地。只今懸一榻。  
入蜀尋幽跡。應先到浣花。誠知錦城樂。亦記早還家。  
魚游因餌得。鳥困坐繯黏。顧我今如此。空懷石井鹽。  
逢年要力耕。善舞須長袖。北山休移文。南山歸種豆。  
一棹送君歸。酒醒秋江午。正是蓴鱸時。思君在何許。  
明月落帆時。荒山孤夜夜。回首白雲飛。吾親在其下。  
客行宜努力。時亦近醇醪。一盞熏人醉。雲安米正陶。  
爾去逢諸父。鬢霜繁海丹。貧窮宜此報。富貴却難安。  
揚州十里春。峨眉半輪月。茲游真不凡。詩成想清絕。

吾祖屯田公。遺書悉安在。爲我謝諸兄。蠹魚時一曬。  
故山不可到。歸夢到天池。想見山中叟。磨崖待我詩。

次韻參寥

此身不擬墮塵緣。長恐驚鴻落響弦。蹋盡世間千澗壑。  
來曾次一山川。深宮木末猶秋色。故國天涯只暮烟。憑  
道人分石甃。要看庭下玉龍旋。  
且向家山一笑懽。從來烈士直如弦。君今振錫歸千頃。我  
亦收身入兩川。短世驚人如掣電。浮雲過眼亦飛烟。何嘗  
與子超塵域。下視紛紛蟻磨旋。

秦興道中

縣郭連青竹。人家蔽綠蘿。地偏春事少。山迥夕陽多。暗水  
披崖出。輕船掠岸過。傳呼細扶柁。吾老怯風波。

智勇師歸永嘉自言所居在萬竹間乞詩送行  
上人歸去家何許萬竹深圍一把茅  
蹋盡叢林叅白足却  
來江檻俯青郊夜階款款風翻籜  
春路冥冥雨放梢  
宿澹陰分百十暮年思與子論交

送黃若虛下第歸湖南

時人會傍高門走獨有來游翰墨場  
已有哲見如叔度定知吾子勝文強  
長淮白浪搖春枕故國青山接夜航  
乞得功名歸遺母未應羨羨綠衣郎

館中直宿書事

十載名山慣杖藜清都直宿夢魂疑  
卧聞長樂鐘聲近尚憶寒山半夜時  
北風吹馬襲貂裘薄雪連雲凍未收  
銀闕晝開禽鳥白

知三館是瀛洲

行至華陰呈舊同舍

落日同騎款段游倦依松石弄清流  
蓬萊漢殿春分手笑相逢太華秋

次韻思聰

欲問琴聰水鏡篇竭來端爲著幽禪  
五更下馬呼殘夢數面成親是宿緣  
伏腦憐君有犀骨騰身笑我不奮肩  
白頭奔走襄陽道空誦新詩憶浩然

和李上舍冬日書事

北風吹日晝多陰日暮擁階黃葉深  
倦鵲遶枝翻凍影鷺鳴摩月墮孤音  
推愁不去如相覓與老無期稍見侵  
願壽微官少年事病來那復一分心

偶書二絕呈館中舊同舍

去年看曝石渠書。內酒均頒白玉腴。今日醉登延閣望。  
人回首憶窮途。御本曾看錦帕舒。醉驚飛閣上凌虛。而今卧病衡門底。  
曬茆簷幾卷書。

送蘇世美東歸

東游兩見鶴林春。晚愧先生作並鄰。樽俎每留倉猝客。典  
刑猶識老成人。繫舟一笑都門外。賣劍歸耕潁水濱。意氣  
年來類兒女。別離不覺淚橫巾。京口尋山每見攜。鶴林問法更追隨。本無物累那成癖。官  
借人書未必癡。食粥往年容乞米。一樽今日細論詩。刑濤  
好去春風暖。莫忘椎冰共載時。

梅花三首

江南歲晚雪漫漫。礪谷梅花巧耐寒。幸有幽香當供給。不  
辭三載滯西安。雲根細路遶溪斜。日出烟銷水見沙。只度關山魂已斷。可  
須疎雨濕梅花。籃輿曉入關山路。玉節珠旛次第開。白髮微官何用許。似  
憐身出道山來。

夜泊寧陵

汴水日馳三百里。扁舟東下便開帆。且辭杞國風微北。夜  
泊寧陵月政南。老樹挾霜鳴窸窣。寒花垂露落毵毵。茫然  
不悟身何處。水色天光共蔚藍。

庚子年還朝飲酒絕句

三年逐客卧江皋。自與田翁酌小槽。飲慣茆柴諳苦硬。不知如蜜有香醪。

往時看曝石渠書。內酒均頒白主臆。落魄十年無復醉。因公今日識官壺。

送海常化士

好去凌空錫杖飛。鳳林關外道場稀。莫言衲子籃無底。盛取江南骨董歸。

次韻何文績種竹

杜陵窮老覓橙栽。不似何郎種笛材。三徑莫憂荒草合。一樽如與故人開。未堪急雨枝枝打。便有幽禽日日來。坐誦東坡食無肉。詩腸日午轉飢雷。

次韻王給事觀殿試唱名

集英春殿唱諸生。日轉觚稜晚色清。近侍皆分金帶赤。內人爭看雪衣明。內人多自昇平樓上下觀罷朝詔賜羣公坐。合殿歡傳萬歲聲。我老倦隨宮漏水。江南江北聽鼉更。

次韻翁監再來館中

歸老江湖久自盟。睡餘且復對空林。重來內閣人誰健。慣踏天街馬不驚。已喜劉歆分七略。尚傳韓愈誨諸生。太平潤色須公等。應許吾兼吏隱名。

次韻館中上元游葆真宮觀燈

百千燈射水晶簾。尚覺游人意未厭。多病只思田舍樂。夜歸烟火望茅簷。

玉作芙蓉院院明。博山香度小崢嶸。直言水北人稀到。也有繁姍勃窣行。

鴨綠未全生。曲沼鷓鴣黃。先已上柔柯。故應春物撩詩思。白髮明朝一倍多。

開卷愛公如李益。解言明月逐人來。多情如共春流轉。刻燭題詩又一回。  
澹澹新粧帶淺啼。催車只待日平西。驩駟也自知人意。散入千花了不嘶。

申應時卜居京口。名之曰雲棲。又曰小築。乞詩送行。客舍秋來憶舊居。一帆歸去落東吳。他年寄我新詩句。卽是雲棲小築圖。

次韻何文瀨舍人後省致齋。正氣沉沉浴殿南。春風想對百花潭。藤牀轉枕尋餘夢。粉壁題詩尙半酣。追記舊游時一笑。歡參真理莫多談。白頭

初試絲綸手。歸去扶犁意亦甘。

次韻侯思孺將至黃州見簡

不用船頭報水程。爲君持酒打愁城。青山久負當年約。白髮多從客路生。點檢轉工新句法。揩磨難減舊風情。小醫莫道無供給。一味東籬有落英。

故資政忠惠韓公挽詞

藉甚中山守風流。世有人獵圍邊月。曉筵踏塞花。春金絮盟猶在。灰釘事已新。使公長臥護何地。起塵

以正賜庫蒲萄醅。送何斯舉復次其韻。

歎息蘇公無恙日。坡頭自築小山房。五年不識宮壺味。只以春江當酒腸。

老臣政實不堪論。尙得君王賜酒樽。異日黃州成故事。蒲

荀醅熟記初元。

登赤壁磯

緩尋翠竹白沙游。更挽藤梢上上頭。豈有危巢與棲鶻。亦為陳迹但飛鷗。徑營二頃將歸老。眷戀羣山為少留。百日使君何足道。空餘詩句在江樓。

某已被旨移蔡賊起旁郡未果進發今日上城部分

民兵閱視戰艦口號三首

病守雖鬢未蒼。尚能談笑坐。牀。指揮一掃妖氛盡。便

自關山向汝陽。

昨夜黃昏得蠟書。老臣恨已解兵符。莫將箭污偷兒血。雷

與官家北射。十二月得京城蠟彈有旨守臣部兵應援

百憂前日摠薰心。一笑朝來得好音。絕域不須遮。障。今

年自有殺林。

次韻耿龍圖秣陵書事

十月舟藏一作蘆荻林客衣頓覺夜寒侵。亂離祇有窮途

淚。勳業都無過去心。敢恨青鞋踏江浦。近傳黃屋渡淮陰。

氣象須公等。是日頻聞正始音。

次韻金陵趙德夫使君上元三絕

小風吹水漲平湖。屋角殘冰亦已無。投老只圖春睡足。可

須山鳥強招呼。

卧聽秦淮鳴咽聲。起看江月暮潮平。舊時憶在延真觀。玉

作芙蓉院院明。

憶昨宣和從武皇。春風省試御袍香。自從翠蓋尋沙漠。無

復徵歌出洞房。



次韻南溪觀魚

城西鼓櫂又城東。不待溪分上下風。碧樹垂楊間黃綠。水盤行鱸簇青紅。橫塘日暮林巒合。斷岸秋來浦溆通。安得此身無世累。便隨漁艇入空濛。

再次韻兼簡李道夫

麥秋宜晚起。况復雨頻頻。桃竹猶能杖。柴車未可巾。閑分酒賢聖。靜記藥君臣。會有騎鯨李。來陪賀季真。  
李侯梨釘坐。風味勝仁頻。投老須鳴玉。相看尚秃巾。便應尋木客。何必問波臣。不復來城市。從人笑我真。  
猶記一麾出。敢論三顧頻。餘生過飛鳥。幻事捏空巾。學道無疑悔。憂時有主臣。買舟茗雪去。我亦號玄真。  
漢書主  
皇恐之

次韻錢遜叔侍郎見簡

白頭逢世難。無地可推愁。曉日瞻天闕。春風憶御溝。他年余老蜀。萬戶子封留。尚記臨川郡。溪山爛熳遊。

往歲自京口與曾公永宏父同行至下蜀因次前韻

簡之

下蜀追隨日。歡言一散愁。籃輿轉陂路。小棹渡湖溝。萬里家何在。三年淹此留。猶欣遲暮眼。見子並英遊。

撫州邂逅彥正提刑道舊感歎輒書長句奉呈

憶在昭文並直廬。與君三歲侍皇居。花開輦路春迎駕。日轉蓬山曉曝書。學士南來尚岩穴。神州北望已丘墟。愁逢漢節滄江上。握手秋風淚滿裾。

送曾宏父

見子京汪尚少年。大梁重見已翩翩。頃來更覺文章進。他

日寧容老病先。梅谷舊題幽谷引。橘陂新和漢陂篇。常慚  
散吏空稱賞。不敢吹嘘上九天。

乃翁名見豫章詩。學術傳家有大兒。四海共推文賦早。三  
年應訝省郎遲。生逢側席求賢日。卽是摩霄聳壑時。若到  
朝廷問衰朽。爲言常宿畏人知。

次韻錢遜叔侍郎見簡

掃地焚香元自喜。傍門騎馬向來慵。田園此去須安枕。海  
岱今年不舉烽。已分瘦藤扶病骨。生憎明鏡寫衰容。兩公  
故是經綸手。足問腰金早晚重。

信州連使君惠酒戲書絕句謝之

憶傾南庫官供酒。共賞西京勅賜花。白髮逢春醒復醉。豈  
知流落在天涯。故事每歲洛陽貢花賜館職百朵并賜南  
庫法酒

次韻錢遜叔謝曾使君送酒

誰憐定武故將軍。侍郎常  
除定帥醉舞狂歌老更真。好事時分小  
槽酒。殘樽也到白頭人。

次韻曾寺丞觀早朝上徐諫議

憶昨飄然下葉闌。十年江海望嚴宸。遙知駐蹕艱危地。尚  
有憂時老大臣。已起陽城無諫諍。又傳陸贄掌絲綸。爲公  
細數能文士。幾箇麒麟閣上人。

次韻徐翰林

遠聞仙伯上神山。始覺升平氣象還。一夢休論玉堂事。兩  
行曾綴紫宸班。想燒傳燭書天詔。看剪花驪出帝關。尚憶  
平生故人否。夜驅黃犢在田間。

某頃知黃州墨卿爲州司錄今八年矣。邂逅臨川送

別二首

自罷黃州守。殊方任轉流。寧論九年謫。已判一生休。此士真材傑。諸公定挽留。倘歸存老病。車騎擁西疇。盜賊猶如此。蒼生困未蘇。今年起安石。不用哭包胥。子去朝行在。人應問老夫。髭鬚衰白盡。瘦地日攜鉏。

送雲門妙喜遊雪峰

老子幽棲地。勞君久見存。夜壺從栗爆。午盃看茶翻。舊事時追憶。深禪得細論。還應雪峰老。領衆待雲門。

送東林珪老遊閩二絕

直自三湘到七閩。無人不道竹菴名。詩如雪竇知奇蹟。

似手寫更妙明。

竹菴端為故人雷。尚許衰翁預勝流。寄語取休好清客。

宜輕觀雪峰毬

卽席送呂居仁

一樽相屬兩華顛。落日臨分更泫然。蹀躞鳴珂君得路。伶俚散策我歸田。近聞南國生涯盡。厭見西江殺氣纏。欲買扁舟吳越去。看山看水樂餘年。

余往歲與遜叔侍郎同寓廣陵。靖康元年。遜叔守符

離。余被召過焉。未幾。余守南都。遜叔移真定。過畱數日。紹興二年。復同寓臨川。感念疇昔。奉送一首。

廣陵三歲共祠宮。二月帆開二水風。北渚蕩舟公醉我。南湖張樂我畱公。豈知去國千山外。又復連牆一笑同。喪亂難堪重離別。可無書札問衰翁。

余為著作郎。如瑩為司令。官舍皆在左掖門外高頭

坊紹興四年如瑩持節江西道撫相訪輒成長句  
邂逅都城接下風官居摠在日華東門瞻曲角趨朝近路  
轉高頭出局同今日繡衣新使者晚塗霜鬢舊鄰翁一盃  
無復當時樂赤縣黃圖淚眼中

次韻曾吉父見簡

往歲滄波轉地流是身如沫信沉浮初聞盜賊奔他境漸  
見衣冠集此州病欲溪耕歸谷口禪須末句問岩頭膺門  
也自知人喜有客清真似子不

六月二十一日子文待制見訪熱甚追記館中納涼  
故事漫成一首

漢閣西頭千步廊與君長夏對胡牀陰陰檜色連宮草寂  
寂暮聲度苑牆細乳分茶紋簾冷明珠擘芡小荷香身今  
老病投炎瘴最憶冰盤貯蔗漿

送子文待制歸蜀

家近錦江歸未得見人之蜀便凄然聞君細說開州好勸  
我來依刺史賢當路尚多豺虎鬪遠湖曾帶羊何時  
萬里雲沙靜穩上沙頭上水船

送范叔器次路公弼韻

晚塗淹泊向誰論白髮名卿官見存雒邑風流餘此老故  
家文獻有諸孫寺連狹徑曾傾蓋船擁清溪尚一樽小駐  
鄱陽未宜遠欲憑書尺問寒溫

謝人送鳳團及建茶

白髮前朝舊史官風鑪煑茗暮江寒蒼龍不復從天下拭  
淚看君小鳳團

山瓶慣識露芽香。細蕩勻排訝許方。猶喜晚塗官樣在。密羅澗礪看飛霜。

頃年侍立集英殿。見周表卿唱名第二。客居臨川表卿爲宜黃丞。歲滿訪別作詩送之。

往時東帶侍明光。曾看揮毫點御牀。只道驪駒已騰踏。不知鷓鴣尚摧藏。官居四合峰巒雨。驛路千林橘柚霜。莫爲艱難歸故里。漢庭今重甲科郎。

似矩尚書帥桂道由臨川賦詩三首貽彥章內翰謹次元韻送行。

喪亂乖離數。哀慵問訊疎。新霜上鬚髻。老淚濕襟裾。忽報迎車騎。遙知奉璽書。豈惟謀卻纓。文亦似相如。有人談五嶽。齒翠象衡廬。地長十尋竹。波跳三尺魚。看公

羅鉄鉞。笑我老耕鋤。敢望頻書札。相望萬里餘。

郡戟蒼山上。平分二水流。四時無癘氣。五管有賢侯。靜契羅公遠。禪參帛道猷。人生一麾樂。不必向中州。

曹山老送符蕨與諸禪客同食戲成

笠寺瓶罌至。吾廬水竹幽。開緘喜風韻。喚客少淹留。蕨帶寒山醬。筍兼頭子油。誰能知許味。一飽併無憂。

送宜黃宰任滿赴調

故老凋零盡。君猶識了翁。淡知名節似。不但里閭同。君與同縣自言慕其爲人政府方交辟。高賢豈久窮。他年汝溪上。伴我釣秋風。

送張右丞司赴召

老夫宴坐臨川寺。五見君爲萬里行。病馬不辭遭掣頓。雲

陽陽詩金 二十五  
鵬那復計期程。遙知此去常乖隔。莫惜書來訪死生。早與  
朝廷定巴蜀。故山遲暮欲歸耕。

鷄肋集鈔

晁補之字无咎。濟州巨野人。年十七。從父官杭州。著七  
述。言錢塘山川風物之麗。時東坡爲通判。正欲作賦。見  
之。稱嘆曰。吾可閣筆矣。由是知名。舉進士。試開封及禮  
部別院。皆第一。神宗閱其文。曰。是深於經術。可革浮薄。  
累仕。著作郎。充秘閣較理國史編脩。尋坐脩神宗實錄  
失實。降官。徽宗召還。未幾。復以黨論坐貶。還家。葺歸來  
園。自號歸來子。大觀末。出黨籍。起知泗州。卒。有集七十  
卷。自謂食之則無得。棄之則可惜。故名鷄肋集。

視田五首贈八弟無斁

河流之所濡。一斛泥數斗。我莊當水窮。乃比石田瘦。尚無  
東陵瓜。况有南山豆。天雨不可期。且復鞭牛後。

蘇秦不願印。迺在二頃田。東臯五十畝。力薄荆杞填。擇高  
種苜蓿。不溼牛口涎。拙計安足爲。朝往而莫旋。  
薄遊廢家務。待子營糗糧。莊奴不入租。報我田久荒。凌於  
馬到門。碑兀牛卧場。立苗蒼耳根。此策殊未長。  
家世不爲農。長安有大第。官糧弗充口。萬里聊自庇。一從  
學聾牙。世事百色廢。賣牛姑補屋。歲晚霜雪至。  
居貧廢文字。銚鋤學苦耕。怪子獨伶俜。久與地方爭。苦耕  
又不時。狐虺日縱橫。高原一釋耒。歎息心忡忡。

卽事一首次韻祝朝奉十一丈

平生交游情。獨處不可乍。那爲一馬飲。濁水噴百馬。弦歌  
高樓上。但恨知者寡。丈人遺世心。口語儻能借。不然抱幽  
璞。終歲裹幘屨。坐令青蠅繁。暫出刑兩踝。儒冠成自誤。歸

去無屋瓦。賴逢里中賢。築室各瀟灑。及時林麥賤。樽酒得  
同把。安能効乾沒。肩與市人亞。居然邑里號。曾墨爲還駕。  
况在竈奧間。欲耻王孫賈。東方錢二百。得米稚啼嗷。嘲笑  
坐窮辰。無肉飽伏假。尚聞剝啄聲。聊復屣屐迓。子常妙工  
詩。蘇李掩曹謝。有時醉醪醕。大小翻蓋學。倒牀鼻息惡。喚  
起對殘炮。復古志尚奇。衆競方獨暇。捫蝨與人言。豈不逢  
譴誅。崇朝潔腹坐。往往食芻舍。子固業少成。議論婉風雅。  
嘗聞莊生說。乃慕巨魚化。平居似晏子。志念能自下。而我  
獨在疎。通人所譏罵。正賴觴詠中。得意陶寫。畱連接清  
晤。欲起不能罷。是時春雨餘。桑密鳩鳴野。城隅園圃近。款  
段亦時跨。便恐百卉闌。晚晚侵朱夏。人生形骸累。未免俗  
情詐。此理豈外求。猶煩詹尹卦。清風穆然在。如渴啗甘蔗。

况我自散材。谷口窮耕者。去年秋不在。匏瓠緣庭架。低回  
迫榮利。妻子憐王霸。橫經亦彊顏。已取或人捨。但慮宰我  
愚。松栢談三社。倏然一室內。黃卷閉佳話。尺璧競寸陰。寧  
復當論價。吟哦愁肝腎。蟋蟀弔長夜。鄙俚頗近情。持用自  
悲詫。功名與道義。熊掌脍魚炙。二事良難兼。夫子賢點也。

謁岱祠卽事

澤南三百里。極望橫天雲。雲端色凝黛。諦視初可分。崢嶸  
介丘像。頽洞元氣屯。頃刻有變化。慘澹殊明昏。天行帝出  
震。其位生物元。不周債西北。川乃東南奔。寧知六鼇死。竟  
使二山淪。不有是難傾。孰維大塊根。嘗聞周官說。實惟天  
帝孫。神靈所鎮守。民物斯庇存。幽明昭一理。有道惟常尊。  
不覺下馬拜。僮奴亦躡術。迺知正直理。足使冥頑敦。三王  
有損益。商人所尊神。明法或不懼。夜行安得遠。以此輔世  
教。庶幾驅驚民。莫宿太平驛。不眠慮絲棼。明朝好天色。萬  
象開胚渾。勢橫恒碣盡。支壓齊魯蹲。五色冒日觀。一握通  
帝闢。恢拓下摧唯。青蒼上氤氳。泉石競沮如。煙嵐互紛綸。  
高舉躡風海。滾踏踏火輪。濤波卷堆阜。一一溟渤吞。棊枰  
視井邑。七箸藏松椿。碧瓦峙雙闕。紅牆繚長圍。願瞻巖闕  
客。內滌邪垢魂。賜臣登絕頂。一覽神秀原。萬壑射窈窕。三  
壇轟嶙峋。莽不覩項領。何能窮胫跟。稍稍指鳧繹。依依數  
亭云。松列大夫爵。羸識將軍墳。瑣屑間花麗。霏微崖藥黛。  
廣大良有以。奇險安足論。瑰詭有形上。頽然德彌惇。得無  
希夷子。傲世逃浚綦。亦有黃冠士。相對如麋麇。此曹嚙草  
木。語道良未聞。解榻坐中觀。洗心馳大鈞。形氣要得一。不



然隨物泯。是事亦姑置。幽尋聊可勤。初疑無字碑。瑩潔誰  
敢文。又怪玉女井。高絕何由齋。俯穿鬪仙巖。身下天壁垠。  
側度五賢堂。熊經背逡巡。劔石危數履。女蘿柔屨捫。揮斤  
入極遠。風來袂軒軒。廖廓自無梯。猶疑天可賓。陰谷不敢  
視。恐落魑魅羣。安得遂獨往。身如黃鵠翻。周流遍五嶽。採  
掇芝英繁。卽欲想圓嶠。或當止崐崙。衆真迎我語。一笑顏  
玉溫。是中差可樂。子胡戀塵樊。答此太遺物。身閒猶事君。  
重華迹已遠。秦漢事方煩。成功屬吾宋。五禮垂後昆。皇帝  
二載春。臣備太史員。紬繹自帝典。頗識康哉言。泥金白玉  
字。願頌無前勳。有志類韓愈。無書愧文園。臣髮將雪素。臣  
心猶日暎。今此在林藪。跳身同獼猿。徒觀衆山小。愁絕下  
天門。

遊信州南巖

南巖夫何爲。山作天倚蓋。山南豁山腹。飛頂覆其外。初如  
鵬將翔。膺擊羣麓背。乍似海大魚。呀口噉而嘍。當空橫厲  
額。架屋喉舌內。仰窺駭憑凌。俯進愁壓墜。嘗聆釋氏說。仰  
覆各世界。千間未可著。五畝良不隘。清冷氣射人。熱惱從  
此潰。崖奔木疎瘦。谷遠鳥幽怪。問僧何年居。投老四五輩。  
問客何人來。官滿或一再。而予與二子。高興偶相戒。松舟  
下清江。毛髮數鯁蟹。藍輿上峻嶺。幢節望杉檜。李侯勛門  
胄。文彩山作繪。趙君儒林孫。媿美蘭結珮。不爲城郭遊。繼  
月此于邁。寧知老逾拙。意在精賞退。得居溪南山。食飲與  
山對。夔魑入輿突。雲雨出巾襜。古人戒賤目。慣覩誰復貴。  
願此誠未逢。欣然與心會。彭湖兩崖蹙。泉作一線霈。禪月

古臺空。靈山自明。搜奇獲三勝。趣嬾同一慨。但憂久聳  
牙。尚喜無帶芥。平生所驅使。詩酒俱好在。天涯得吾侶。物  
外從所快。便欲登赤城。一觀天宇大。

再次韻文潛病起

淮浦見之子。春風初策名。頗訝謫仙人。有籍白玉京。晚遇  
廣文直。老交心愈傾。同升芸香府。偶坐華髮生。斯人自龍  
性。意變難章程。耆酒不疵吝。身如秋葉輕。自言士處世。何  
必冰雪清。交遊滿臺省。毀譽半玉城。不肖效俯仰。畏高侮  
鰥。憚常思老伊。頹紫蟹羞吳。我輒抵掌和。音同磬隨笙。  
小人奉慈親。皆嘗小人羹。寒衣婦補綻。學績女娉婷。日欲  
江海去。心期楊柳青。衆木構大厦。豫章倚孤撐。如子足醫  
國。可容移疾行。丹書紫皇告。玉篆五嶽形。何必陶隱居。吞  
霞養純精。訪道自素約。諧心期莫齡。但恐津俗緣。志大功  
不成。息交屏妻子。此語不須驚。

送學生李公裕兄弟赴省集

閉門圍火談。開戶雪一尺。黃昏具盃酒。知君遠行役。君家  
三兄弟。頗謂各無敵。容父學知方。天道通四驛。吉父尤頡  
頰。天池觀水擊。仁父少而奇。乃是夜光璧。李侯有此子。便  
可卧安席。家居樂與餌。聊以止過客。豈無一束芻。空谷不  
可食。宵人操寵利。徒手捕蜴蜥。公等寧復然。烏黑鵠自白。  
屠龍業有用。未厭所從僻。富貴念昔時。城東雪中跡。

題四弟以道橫軸畫

黃葉滿青山。枯蒲靜寒水。鳧鴈下坡厓。牛羊散墟里。擔穫  
莫來歸。兒迎婦窺籬。虎頭無骨相。田野有餘思。

同舉公叔飲城東

西城昔相值。桃初兩三紅。翩翩驚長陌。春風搖馬鬃。後君歸。幾日游絮已濛濛。解鞍不待憩。相命古原東。芍藥雖俗花。狂姿幸時供。平生於知己。千過不一逢。感君欲開口。清淚出霑骨。君如陶淵明。不爲五斗恭。胡爲青綸上。朱墨紛外蒙。棄官能從我。短後追田翁。銅斗釀秫麥。竹枝弋鳧鴻。何必悲無衣。緼膺聊御冬。九辯太高潔。五噫苦羈窮。置此無滑和。天情反其中。市藥非市名。名聞藥何庸。十漿饋五漿。猶畏聞者從。如何鄴城畔。夜夜生長虹。

次韻四弟以道十二弟叔與法王唱和兼示无斃弟

二首

少時勇遊山。說山喜動色。中年謫南方。廬阜得濼歷。當時

不類謫。忘腰帶之適。怪人肝鬲異。破賊喜折屐。只今窳林下。織衣而耕食。緬懷茲兩士。吾宗氣相得。吾春種桃時。子曉尋嵩日。似聞黃面子。爲採烏頭出。去年陟岱宗。一士世莫識。天門邀之下。傾倒意已極。斯人與人異。龍虎兩超忽。重尋亦無路。顛雨石崖坼。

吾人伯仲間。一語可物色。氣自寡所諧。窮乃足所歷。家風藐五世。不肖適人適。意行無險易。又跣不著屐。文詞如苦李。慘腹人莫食。猶矜不傳妙。坐恐見曹得。學憐新又新老。奈日復日。伯以最恬愉。何由採之出。无斃能寡言。猶堪謝前識。叔與氣尚豪。搭頤視屋極。斯文惡表襮。枯魚戒所忽。應如魯宮籀。藏壁俟其坼。

北京學直舍對客

鳥聲落簷間。竹色在戶外。解屣置几前。放杖當椅背。默然  
仰棟時。往與古初會。有時遺坐客。十問不一對。尚因呼乃  
覺。笑自謝頑昧。知非慕遽子。事去等蜩蛻。一生所未免。飲  
食與眠睡。所以更頽然。可樂本非內。有心欲何用。橋起則  
形累。賴客同門生。曠蕩乃不愧。

送君

送君上馬時。不道朝鑪燠。春風入木心。皮肌發紅綠。春風  
良易莫。那得勤行路。且莫望南窗。胡蝶飛無數。

上馬

上馬笑屬君。歸期在十日。來時草白芽。歸時青鬱鬱。來噴  
馬蹄急。歸噴馬蹄緩。人心自如此。馬蹄終不變。

贈文潛甥楊克一學文與可畫竹求詩

與可畫竹時。曾中有成心。經營似春雨。滋長地中綠。興來  
雷出土。萬籟起崖谷。君今似與可。神會久已熟。吾觀古管  
葛。王霸在心曲。遭時見毫髮。便可驚世俗。文章亦技爾。詎  
可枝葉續。穿楊有先中。未發猿擁木。詞林君張舅。此理妙  
觀燭。君從問輪扁。何用知聖讀。

補樂府三首

荳葉黃

蒹葭蒼荳葉黃。南村不見岡。北村十頃疆。東家車滿箱。西  
家未上塲。荳葉黃野離離。鼠窟之兔入畦。豕母從豚兒。豕  
啼豚啾啾。銜角復銜蕒。荳葉黃穀又熟。翁媪衰餽糜粥。荳  
葉黃葉黃不獨荳。白黍堪作酒。瓠大棗紅皺。荳葉黃穰穰  
何無膻。腰鑱獨健婦。大男往何許。官家教弓刀。要汝殺賊

去。

漁家傲

漁家人言傲。城市未曾到。生理自江湖。那知城市道。晴日七八船。熙然在清川。但見笑相屬。不省歌何曲。忽然四散歸。遠處滄洲微。或云後車載。藏去無復在。至老不曲躬。羊裘行澤中。

御街行

雙闕齊紫清。馳道直如線。煌煌塵內客。相逢不相見。上有高槐枝。下有清漣漪。朱欄夾兩邊。貴者中道馳。借問煌煌子。中道誰行此。且復就下論。驄馬知雜事。官卑有常度。那得行同路。相效良獨難。且復東西去。

和關彥遠秋風吹我衣

海中羣魚化黃雀。林鳥移巢避歲惡。鄴王城上秋風驚。昔時城中鄴王第。只今蔓草無人行。但見黃河咆哮奔碣石。秋風吹灘起沙礫。翩翩動衣裳。游子悲故鄉。忽憶若耶溪頭采薪鄭巨君。南風溪頭曉。北風溪頭昏。一行作吏此事便廢。夢中葉落覺有歸意。歸歟歸歟。吾黨成斐然。君今生二毛。我亦非少年。胡爲車如鷄。栖鄴城裏。朝風吹馬鬣。莫風吹馬尾。與人三歲居。如何連屋似千里。我則不狂曾謂吾狂。不吾知亦何傷。安能戶三尺。喙家一吭。人亦有言人各有志。吞若雲夢者八九。長劔耿介倚天外。有如陳仲舉。庭宇亦不治。吾乃今知貴不若賤。無憂富不若貧。無求負日之燠。吾重裘。芹子之飫。吾食牛。心戰故臞。得道故肥。吾封侯。匹夫懷璧將誰尤。歸歟歸歟。豈無揚雄宅一區。舍前

青山木扶疎。舍後流水有菰蒲。今我不樂日月除。尺則不足寸有餘。七十二鑽莫能免。豫且無所可用。乃有百歲穉。龔生竟夭年。非吾徒。

開梅山

開梅山。梅山開自熙寧之五年。其初連峰上參天。巒崖盤嶽。閔羣蠻。南北之帝鑿混元。此山不圯藏雲煙。躋攀鳥道出蒼蔚。下視蛇脊相夤緣。相夤緣窮南山。南山石室大如屋。黃閔之記盤瓠行跡。今依然。高辛氏時北有大戎寇。國中下令購頭首。妻以少女金盈斗。遍國無人有畜狗。厥初得之病耳。婦以盤瓠化而走。堪嗟吳將軍。屈死狎狎口。帝皇下令萬國同。事成違信道不容。竟以女妻之。狗乃負走逃山中。山崖幽絕不復人跡通。帝雖悲息。遂往求。輒遇

雨與風。更爲獨力之衣。短後裾。六男六女相媾姻。木皮草實五色文。武溪赤髀皆子孫。侏離其聲異言語。情黯貌癡喜安土。自以吾父有功母帝女。凌夷夏商間。稍稍病侵侮。周宣昔中興。方叔幾振旅。春秋絕筆逮戰國。一負一勝安可數。邇來梅山恃險阻。黃茅竹箭靈霧雨。南人顛踣斃溪壑。據關守隘類穴鼠。一夫當其阨。萬衆莫能武。欲知梅山開。誰施神禹斧。大使身服儒。賓客盈幕府。檄傳徭初疑。叩馬卒歡舞。坦然無障塞。土石填溪渚。伊川被髮祭。一變卒爲。今雖關梁通。失制後誰禦。開梅山。開山易防獠。難不如昔人閉玉關。

富春行贈范振

錢塘江北百里餘。漲沙不復生菰蒲。沙田老桑出葉麤。江

潮打根根半枯。八月九月秋風惡。風高駕潮晚不落。鼓聲  
瑟瑟櫓咿喔。爭湊富春城下泊。君家茅屋並城樓。不出山  
行不記秋。越船吳帆亦何故。今年明年來復去。

胡戢秀才效歐陽公集古作琬琰堂

君不見廬陵公往爲學士修書日。詔畀千金訪遺逸。遺文  
逸字往往出。故都易姓幾兵火。量醫鼎腹細語訕。道人响  
嶺空有聞。丘陵仙鬼事恍惚。共和十鼓記亡一。嶧山肉在  
無復骨。雲陽八體又瓜剖。至使漢童訛尉律。世儒詭正何  
足臧。公家安取千軸藏。仲尼猶及史之闕。有馬借人吾敢  
忘。題籤甲乙植水陽。後來胡君癖膏肓。傾家自構琬琰堂。  
搜羅近出補厥亡。荒林圯冢見未嘗。南觀禹穴計渺茫。閉  
門睥睨在一牀。常恨平生好古家無力。騎馬蹊田觀斷刻。

中郎二字煩走驛。率更三日勞野食。長年囊褚况易擲。兒  
作摹朱婦遮壁。願從胡君可無有。十百數中聊取什。胡君  
今逸民。盱眙不見十五春。坐令鈇槩老壯士。朝廷豈無憂  
國人。曩時豪氣今雖在。會面只謀十日醉。聽君汗漫馳古  
先。世事無何付蟬蛻。

黃河

黃河齧小吳。天漢失龜鼈。靈原潭下藕爛死。只有菖蒲不  
生節。白馬橋邊迎送胡。冀州斷道無來車。新隄築得高聳  
嶮。舊隄杵聲未可絕。

酬李唐臣贈山水短軸

李爲刑曹杜君章知賞

大山宮小山霍。欲識山高觀石腳。大波爲瀾小波爲淪。欲  
知水深觀水津。管丘於此意獨親。杜侯所與復有人。不見

李侯今五載。苦向營丘有餘態。齊統如雪吳刀裁。小毫束  
筍縑囊開。經營初似雲煙合。揮灑忽如風雨來。蒼梧決滌  
天無日。淡巖老樹洪濤入。榛林闢漠猿狖寒。苔蘚侵淫螺  
蚌溼。紛紛禽散江干沙。有風北來吹蒹葭。前洲後渚相隨  
沒。行子漁人歸徑失。李侯此筆良已奇。我聞李侯家胡豔  
跨河而北寧有之。曷不南遊觀禹穴。梅梁鏘澀萍滿皮。神  
物變化當若斯。元君畫史雖天與。我論絕藝無今古。張顛  
草書要劍舞。得意可無山水助。他日李侯人益慕。

跋遮曲

君不見魯中羣兒歌跋遮。跋遮跋遮何語耶。吳儂越吟初  
不省。恐自塞北傳胡笳。跋遮胡爲樂中華。試歌河漲水漸  
尖。車河中耕泥春種麻。麻生三歲不開花。腰菱兩角黑如

鴟。漁父笑且語。誰能跋遮舞。君不見前年大旱河草黃。草  
中魚子化飛蝗。又不見往年大雨雨決渠。渠中朽瓜生老  
魚。蝗飛食場穀。擊鼓煩趁撲。我家家具如筍束。今年梁山  
撓濁淤。兒無鋤麻姑來漁。荷鋤往賣鋤。買網空市無。丁丁  
斲船斲屋櫨。艇子如星喚施眾。夜唱跋遮曲。羣鳴起白鳥。

贈戴嗣良歌時罷洪府監兵過廣陵爲東坡公出所

獲西夏刀劔東坡公命作

三郎少日如乳虎。代父搏賊驚山東。硬弓長箭取官職。自  
說九戰皆先鋒。將軍拳勇饋不繼。痛惜靈武奇謀空。城頭  
擲榆下俛走。壯士志屈羞填胷。平生山西踏霜雪。洪府下  
溼號兒童。聞名未識二十載。初見長揖東坡公。銳頭短後  
凜八尺。氣似飲井垂檐虹。只令不語當陣立。望見已是千



夫雄。往年身奪五刀劍。名王所擐犀札同。晨朝攜來一府看。竊指私語驚庭中。紅粧擁坐花照酒。青萍拔鞘堂生風。螺旋鏘鏘波起脊。白蛟雙挾三蒼龍。試人一縷立。視魄戲客三招森動容。東坡喜爲出好礪。姚鴨綠石如堅銅。收藏入匣人意定。蛾眉稍進琉璃鍾。太平君子尚小器。戒懼邾小母。莽蜂舞于兩階庶可觀。跳空七劍今何庸。我爲蘇公起揚解。雅歌緩帶聊堪同。從公請礪歸作硯。聞公嘗諫求邊功。

名書行和於潛令毛國華

茗溪清雪溪綠。溪水灣環繞天目。山間古邑三百家。日出隔溪聞打衙。長官長髯帽烏紗。不曾執板謁大尹。醉卧紫蘭花影斜。紫蘭花開爲誰好。年年歲歲溪南道。不見西陵

白髮人。荆江夜雪唱陽春。陽春絕唱和者寡。客醉聞之雙淚灑。夜來魂夢海中山。縹緲雲濤煙浪間。雲濤煙浪不可渡。睡覺秋風落桐樹。秦吉了。秦吉了。言語無人會。無人會得奈君何。且向紫蘭花下醉。

芳儀怨

事見 廷雜記

金陵宮殿春霏微。江南花發鷓鴣飛。風流國主家千口。十五吹簫粉黛稀。滿堂侍酒皆詞客。拭汗爭看平叔白。後庭一曲時事新。揮淚臨江悲去國。令公獻籍朝未央。敕書築第優降王。魏俘曾不輸織室。供奉一官奔武彊。秦淮潮水鍾山樹。塞北江南易懷土。雙燕清秋夢稻梁。吹落天涯猶竝羽。相隨未是斷腸悲。黃河應有却還時。寧知翻手明朝事。咫尺人生不可期。蒼黃三鼓滹沱岸。良人白馬今誰見。

國亡家破一身存。薄命如雲信流轉。芳儀加我名字新。教  
歌遣舞不由人。採珠拾翠衣裳好。淡紅退盡驚塵。陰山  
射虎邊風急。嘈雜琵琶酒闌泣。無言徧數天河星。只有南  
箕近鄉邑。當時手指渡江來。同苦不知身獨哀。中原骨肉  
又零落。寄詩黃鵠何當回。生男自有四方志。女子那知出  
門事。君不見李君椎髻泣窮年。丈夫飄泊猶堪憐。

### 五丈渠

五丈渠。河水齧堤三里餘。懸流下噴水滂濺。訛言相驚有  
怪物。滌東漁子浮兩舸。清晨徑流雙鬢搖。驚人跳起橫觸  
鳥。人鱗十尺長夭矯。殺之信宿不敢言。竝村稍稍聞者誼。  
伐鱗割肉擔揭去。兩日一村猶犬飢。夜來水泛州西原。青  
青百頃白波翻。里巫推變咎漁子。豫且賊神實爲此。此邦

一年不穀食。賣魚取錢當常職。聞道相家口津人。無敢憑  
大魚死。小魚靈。

### 閻子常攜琴入村

閻夫子通古今。家徒四壁猶一琴。今年二月雨霖霖。喜君  
擁麥如人深。屋間幽默咸池音。高山流水我非聽。聽我說  
君辛苦吟。薛老村西十里地。旱日燎原無柳條。芒屨曳杖  
逐鎌籠。當午未食饑燒心。芸芸麥田翻黃波。螭蟲盤穗如  
蝸螺。麥未收打催種莖。屋下跡少田間多。閻夫子時我過。  
我與夫子良同科。四體雖勤口舖衆。黃豆然其窮奈何。人  
謂君琴語辛苦。此曲無奈傷天和。君不見夫子宋園不糝  
猶茲歌。

### 收麥呈王松齡秀才

晁莊寂莫依東山。王莊負郭客往還。東山刺薊深一尺。負郭家近饒盤餐。穿鞵戴笠隨麥隴。早日炎炎煙燎顏。賤貧辛苦事當爾。君屋鱗鱗三百間。

飲城西贈金鄉宰韓宗恕

大夫盤中定州蓋。三舉檐花舞凌亂。請君行蓋且莫稽。爲君起賦飲城西。城西古道如澗深。東風吹沙不見林。虛堂更覺野原濶。榆柳浩浩波濤吟。雜花一園來遠道。兩株江南梅更好。櫻桃已晚猶爛漫。百株如雪聊可繞。常時東風無此寒。常時諸君無此閑。且看瓶口似魚貫。莫惜而文如纈珠。大夫工爲宋玉賦。思不能涯字無數。秀才酷類東野貧。白屋青山愁曲身。籍咸不宥羞北阮。主簿高材卽仇覽。成詩午景已妍和。罷酒花開應更多。山翁歸不醉當奈峴

山何

和王仲甫病暑

吳邦憚暑如蜂蠶。河曲還遭長日曬。蔗漿金盃賴蠲煩。內託潛陰數爲敗。黃昏乍快風吹髮。驅拊蚊虻坐明發。青衫主簿氣如雲。茂陵無事悲消渴。望洋河伯何爲者。兩涘無因辨牛馬。何生狂夢涸歸墟。喉舌湯湯未勞瀉。能來一嗽華池津。七椀清風立有神。更尋齒下微妙訣。遣君體適仍魂平。案頭白紙如堆雪。人事紛紛日將月。與君未遇尤四時。利害相磨生內熱。

贈送張愈秀才

秋水幽幽濟河道。君挂蒲帆若飛鳥。西風黃葉滯公車。鷄黍從君懷故廬。男兒自有四方志。世上相期獨榮利。昔時

馬周徒步動天子。君今有用當如此。

李成季得閻子常古琴作

昔人流水高山手。此意寧從絃上有。閻侯卷舌卧閭里。意向是中留不朽。似聞綠綺置牀頭。暑雨東城無麥秋。趙傳和氏為五日。吳得湛盧當兩州。李侯得意誇題柱。成詩欲使邀諸路。自有桓山石室彈。溪屋時聞繭抽緒。無琴尚可何獨絃。要識精微非度數。人生有累無非失。我欲心灰木為質。嬾從徽的自凝塵。老向詩書逾愛日。自言結習久難除。猶煙斷編尋止息。焦城卜築近連軫。歸約閻侯亦蕭瑟。舊聞君祖謀木奴。試買蝦丘百株栗。

同魯直文潛飲刑部杜君章家次封丘杜觀仲韻

風流才絕塵。最憐高髻歌陽春。兩鬟亦解倚瑟語。催

送花前紅袖舞。黃張翰墨海內名。席上生風清夏宇。封丘自倚筆勢豪。不怕當筵賦鸚鵡。對酒含情古所憐。樂事幾時如過雨。阮公鑪邊不擬歸。陸郎班駟無用咄。長燈照出簾幙外。缺月墮落藩牆西。斗酒雙魚何足貴。李侯氣許山東吏。正須新麵雜青槐。千里紫萼江上來。長船刻玉流霞動。快引不須帆檣送。自作新詩碧牡丹。著擊盃翻釵墜。屬芍藥佳名聞昔人。滿插不辭歸帽重。倒牀任作鼻鳴雷。屋上啼鳥還喚夢。

贈麻田山人吳子野

余見符制李公誠之於故荆蘇密州在焉始聞子野名

汝陽我昔見蘇李。人言吳子歸未幾。長嘯春風大澤西。却望麻田山萬里。不逢鄭老溪上箭。欲致朱公路。傷米今年窮巷絲生髮。馬尾吹風化衣袷。定知赤鯉驚波濤。何意黃

冠驚僕妾。琅函萬過陰魄。悲心無丹白。鑪生兒山中種芝。  
豈無侶。成都醉眠未當去。願從王烈或見呼。試訪孫登竟  
無語。棄家內愧非此流。此身天地一虛舟。未應齒豁塵埃  
裏。乞與青精救白頭。

送北京學生曹慈明秀才之京師

魏武子孫今寂寞。唐來只有畫將軍。鄴城初見黃須面。尚  
喜登堂詞若雲。乃公白首圖籍裏。小心恐懼教其子。文章  
錦心仍繡腑。屠龍禪家安用許。半年繫船康海門。官忙不  
共持一樽。岡頭梨花吹欲盡。淮口汴流來正渾。鄙夫日欲  
向吳越。官滿一封飛魏闕。著書虎觀未敢言。蔽身蟬葉真  
癡絕。

次韻和趙令僉防禦春日感懷

春。滕雪消龜兆。坼凍柳冰蒲。俱好色。走馬城東眼乍驚。可  
憐前日非今日。結交從古天地間。百年誰見一人閒。玉城  
塵土化衣袷。五鼓驅車休夜闌。况我崎嶇二三子。聖恩釋  
累從甌蠻。雄豪久鍛酒量窄。爽懦新長詩辭慳。王孫物外  
有高興。數攜王趙兩紅顏。上書自去千牛衛。挂席欲過三  
神山。灰餘方烈竈下響。霧廓初見岩中斑。醉吟誰共可憐  
春。江南太守舊詩人。賡酬不減笙磬苔。秀發更爲煙霞新。  
萬卷藏書韋杜曲。憶子陳詩一言足。得意鱸魚故未饜。多  
情桃葉應相逐。努力閒平盛世名。歸及春風雙鬢綠。

漫成呈文潛

無心看春只欲坐。偶騎馬傍春街行。可憐愁以草得暖。一  
寸心從何處生。

十年閉戶不作舞。爲客一整紅羅裙。莫倚琵琶解寫怨。朱  
簾垂下阿誰聞。

平時無歡苦易醉。自怪飲樂顏先醜。乃知醉人不是酒。真  
是情多非酒多。

吳松道中二首

停舟傍河滸。四顧盡荒原。日落孤鳴豕。天寒犬吠村。繫帆  
凌震澤。滄雨入盤門。悵望夫差事。吳山閔楚魂。  
曉路雨蕭蕭。江鄉葉正飄。天寒鴈聲急。歲晚客程遙。鳥避  
征帆却。魚驚蕩樂跳。孤舟宿何許。霜月繫楓橋。

濟州道中寄葉勛秀才

曉路入西郊。新霜着鬢毛。貧交借羸馬。慈母授征袍。野靜  
狐狸出。天寒鴈鴟高。艱難憶親舊。清淚漬平臯。

原上

閉門遺日月。原上感年華。久旱無場藿。重陽有野花。蕭蕭  
幾家靜。脈脈一歧賒。向晚悠然去。秋風馬尾斜。

同魯直和普安院壁上蘇公詩

畏暑聊尋寺。追涼故遶池。雨園鳩喚婦。風徑燕將兒。散篆  
縈簾額。留雲暗井眉。龍蛇動屋壁。知有長公詩。

次韻鄧正字慎息秋日同文館

平生鄧夫子。文墨晚相依。臺閣佳聲在。湖湘爽氣歸。慎息潭人  
再入詩誇束筍密。髮歎穉苗稀。勤苦千秋事。川明水孕璣。

雄淡張子句。山水發天光。黃鵠愁巖道。玄龜困呂梁。愛君  
豪穎脫。嗟我病愴囊。驥尾何當附。西風萬里長。屬文潛

蔡侯南國秀。經緯耿昭回。文史蛙生甕。風雲螿起隈。吾君

求助意。之子爲時來。萬縷防秋費。何如一士才。屬天啓。  
氣入中秋勁。更傳午夜長。青燈蛾舞急。白月鴈啼涼。羈旅  
生來慣。淹留久却忘。吟詩酬鄧子。畢昴出東方。

千秋嶺上

永日倦高躋。盤回四望迷。松根危抱石。嶺路曲隨溪。馬腹  
飛雪薄。山腰過雨低。陰崖不可度。誰此構長梯。

送會稽關彥遠罷官河北

君年長我二十五。偶以氣同均弟彙。三歲吹沙禹河曲。一  
身飛艇越雲門。未緣狗監知才思。端向牛衣無涕痕。秋月  
圓時應待我。慧林孤磬澹朝暉。

已酉六月赴上饒之謫。醇臣以詩送行。次韻留別。

小雅思深志不悲。反騷未與昔人違。五車謾苦君何益。三

徑都荒我未歸。要過香鑪雙履步。却從彭蠡一帆飛。它年  
笑向張公子。應帶煙霞滿客衣。

魚溝懷家

生涯身事任東西。藥笥書囊偶自賁。桺嫩柔柔鴉欲乳。雪  
消水動麥初齊。沙頭晚日檣竿直。淮上春風鴈鷺低。歸去  
未應芳物老。桃花如錦遍松溪。

送曹子方福建轉運判官

談經草檄鬣華生。初擁闔山傳節行。江入桐廬青欲斷。溪  
從劍浦碧來迎。茶雖戶種租宜薄。鹽不家煎價欲平。要使  
祈招歌德意。君恩不爲遠人輕。

泗州王諫議明叟留飲

雲水東遊蚤歲懷。半生塵土却教回。兩行堤柳關心在。一

點淮山入眼來。北省主人誇酒好。南風稚子喜帆開。揚州底事牽行色。端爲瓊花芍藥催。

澠池道中寄福昌令張景良通直

十年一夢間湖湘。欲往從之道阻長。可但知君愛彭澤。不應言我薄淮陽。馬穿嶠底流泉白。鳥下關頭落照黃。愁作驛亭寒不寐。懷人思古九迴腸。

次韻邵倅王征夫

函谷鷄鳴滿面塵。夫君泛愛尚爲親。清時有味俱吾黨。黃髮相看更幾人。物理未驚翁喪馬。世情應笑子知津。似聞絕塞風沙苦。只約觥船莫負春。

雙軒孤坐寄曹南教授八弟

畏暑經旬不涉街。雙軒孤坐壁生苔。出簷碧筍猶爭長。映

丹榴故後開。雙蝶風前愁夜去。一蟬雨外送秋來。曹南弟應相憶。白首遷兄未放回。

遊華嶽歸道中望仙掌

巖踏遍尋歸路。仙掌依然在碧虛。無限遊人重駐馬。豈狂客倒騎驢。挂圖天漢朝霞上。落影秦關夕照餘。千古山生纔一士。可憐登覽盡丘墟。希夷祠堂在觀中

罷蒲乾濠道中寄府教授之道弟

衝寒到郡待花開。花未開時却遣回。敢意三年容我隱。只如千里訪君來。二嶠敲擊何爲者。五老雲壺安在哉。更約劉詩猿虎谷。它年重過掃莓苔。

元符戊寅與无斲弟卜居縉城東述情

四海一居何處卜。北窗祇取見家山。要無名利來心曲。便



有園林出世間。拙宦莫與三黜歎。老歸未厭百年閑。先君  
餘慶期之子。吾駕如今不可還。

次韻李鉅祥符軒

雲端紅粉拊雕欄。謝守綸巾語笑間。游客乍驚人外境。居  
僧初識面前山。暫來猶足留公賞。借與真堪著我頑。鈴閣  
多餘賓從少。誰教餅盞不曾閑。補之自謂

國子監莫歸

杖屨清晨往。繚囊薄莫歸。閑官廳事冷。蝴蝶上堦飛。

答李令

知音慙李令。問我復何為。道義惟添睡。功名只有詩。

譙國嘲提齋

何處提齋鳥。荒園自叫春。夕陽淡樹裏。持此勸何人。

陌上花

事見蘇先生詩

荆王夢罷已春歸。陌上花隨莫雨飛。却喚江船人不識。杜  
秋紅淚滿羅衣。

臨安城郭半池臺。曾是香塵撲面來。不見當時翠輦女。今  
年陌上又花開。

雲母蠻牋作信來。佳人陌上看花回。妾行不似東風急。爲  
報花須緩緩開。

外舅杜寺丞永城守水作詩寄呈

雪消水動看通津。草長江南岸岸春。莫唱龍舟五更曲。揚  
州楊柳解愁人。

約李令

茆檐明月夜蕭蕭。殘雪晶熒在柳條。獨約城隅閑李令。一

孟山芋按離騷

和胡戡

相逢樽酒未辭殘。握手盱眙十載心。走馬淒涼人夜別。出門落月與橫參。聞說歸心已浩然。蘇門况有子雲廬。廣文不去慙官長。繫馬堂階要酒錢。

題工部文侍郎周翰郭熙平遠二首

漁村半落楚江邊。林外秋原雨外天。誰倚竹樓邀太艸。天正暮色已蒼然。庭木落萬波秋。說與南人亦自愁。欲指吳松何處是。一征鴈海山頭。

赴廣陵道中三首

醉卧符離太守亭。別都絃管記曾稱。淮山楊柳春千里。尚有多情憶小勝。南都畱守使雙鬟勸酒小勝其字也。急鼓鼕鼕下泗州。却瞻金塔在中流。帆開朝日初生處。船轉春山欲盡頭。楊柳青青欲哺鳥。一春風雨暗隋渠。落帆未覺揚州遠。已喜淮陰見白魚。

揚州雜詠

阜茨村南三里許。春江不隔一程遙。雙堤闢起如牛角。知是隋家萬里橋。龍興寺裏青雲翰。后土祠中白雪葩。五百年間城郭改。空留鴨脚伴瓊花。

宿采石追懷沈丘叔父同應詔渡此今二十七年矣

而叔父謝世補之方遠適泣淚成篇  
二十七年前應詔黃昏同上木蘭舟  
江山依舊人琴寂白  
首南遷淚迸流

題廬山

南康南麓江州北五百僧房綴蜜脾  
盡是廬山佳絕處不知何處合題詩

遇赦北歸

山猶故險水猶奔無復前年濺淚痕  
自是人心隨境別櫓聲帆色盡君恩

皖口寄懷前大平守陳公度

龍舒人

常愛東陵早拂衣我行曾不叩荆扉  
憑君天柱峰頭望看我扁舟幾日歸

初望廬山

休說江南青未了一菴一徑可容身  
宦程正迫西風急未是廬山好足人

貴溪在信州城南其水西流七百里入江

玉山東去不通州萬壑千巖隘上游  
應會逐臣西望意故教溪水只西流

泊息禪寺呈廖明略其地蓋干越寺在琵琶洲上

遲君干越息禪寺彌月忘歸住翠嵐  
忽見琵琶洲上月始驚全室在天南

將行陪貳車觀燈

行歌紅粉灑城歡猶作常時五馬看  
忽憶使君身是客一時揮淚逐金鞍

栗區村與無斃別

十年投分皆卿相。四海論心只弟兄。  
老憶歸耕因隨牒。春風揮淚栗區村。

題穀熟驛舍二首

驛後新籬接短牆。枯荷衰柳小池塘。  
倦遊到此忘行路。徙倚軒窗看夕陽。

一官南北鬢將華。數畝荒池淨水花。  
埽地開窗置書几。此生隨處便爲家。

八

